


弘文閣錄



漢書門			
二二七	九〇	八〇	
號	函	冊	架

內閣文庫			
二二七	八〇	二二	
號	冊	函	架

內閣文庫		
番號	漢	2227
冊數	80 (25)	
函號	296	79

三十五

九十五八



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




弘簡錄卷九十五

明刑部員外郎仁和邵經邦弘齋學

皇清翰林院待講學士四世孫遠平校閱

天王 宋一之十一下

淺草人庫



孝宗乾道元年春正月辛亥朔合祀園丘大赦改元辛酉魏杞
 至燕山金主命罷兵召二帥歸復書正敵國禮辛未立兩淮守
 令勸民種桑并督察飢民賞格壬申賑兩浙飢二月庚辰朔從
 太上皇帝后幸四聖觀甲辰久雨三月乙亥湖南盜起入廣東焚
 掠州縣官軍討平之夏四月庚子金遣報關使完顏仲等入見
 自同陪臣稱上為宋皇帝五月丙子遣李若川等使金賀上尊
 號郴州盜李金等復作亂討獲之餘黨招安秋七月癸丑輔臣
 晚對選德殿見御坐後大屏記注諸道監司郡守姓名因命都

堂視此書之甲寅借職田租二年以裨經費己未鑄當二錢八月乙酉立子愔爲皇太子赦天下九月乙卯立廣國夫人錢氏爲皇太子妃丁卯升鼎州爲常德府冬十月戊子增頭子錢癸巳上及太子詣德壽宮稱謝乙巳淮北紅巾賊踰淮劫掠知楚州胡明擊殺賊首蕭榮二年春正月裁定內外軍額總四十一萬八千殿前司七萬三千馬司三萬步司二萬一千建康五萬池州一萬二千鎮江四萬七千江州一萬楚州武鋒一萬一千平江許浦水軍七千鄂州四萬九千荆南三萬興州六萬興元一萬七千金州一萬一千歲費錢八十萬緡二月戊寅幸玉津園宴射遂幸龍井三月丁卯賜進士蕭國梁等共四百九十三人及第出身夏五月庚戌以右諫議大夫林安宅同知樞密院事六月丙子刑部上乾道新編特旨斷例秋七月戚方轉武當軍節度使八月辛未朔詔兩淮行銅鐵錢毋過江北癸未降會子交子于鎮江建康務場丙戌林安宅誣劾葉顥子受金謫住筠州丙申升宣州爲寧國府九月詔舉將帥有智勇材能者甲寅置章奏簿錄臺諫侍從奏辭以備省覽乙卯改造大曆參新舊用之辛酉追封子恪爲邵王諡悼肅己巳魏杞等上神哲徽三朝帝紀并太上皇聖政冬十月癸酉轉進德壽宮十一月汰冗兵己酉出內藏及南庫銀以易會子官司並以錢銀支遣民間從便仍許兩淮總領所自造壬子詔修祥曦殿記注甲子大閱戊辰築鄂州城十二月庚午朔白氣亘天癸酉以兩淮鐵錢交子流轉不行詔三省侍從臺諫漕臣郡守條具利害以聞辛巳免進呈欽宗日曆實錄送國史院修纂甲申葉顥魏杞並相庚寅以國用匱乏詔宰相兼領制國川使參政同知國用事

癸巳詔監司守臣舉廉吏 三年春正月甲辰詔大理毋以獄情白宰執探旨意為輕重庚戌置三省戶房國用司月上宮禁及百司官吏三衙將士請給之數癸亥罷銅錢過江之禁裁定利州西路諸軍額二月乙亥罷成都潼州路轉運司輪年銓試以其事付制置司甲申立知陳州陳亨祖廟於光州賜名愍忠諡曰愍節丙戌以武經龜鑑孫子賜諸將帥丙申從太上帝后幸玉津園三月甲辰又從幸聚景園歲以為常辛亥詣德壽宮恭請裁定醫官員額丁巳詔四川宣撫司創招千人置司所在屯駐五月癸卯葉顥等上三祖下仙源積慶圖及太宗真宗玉牒哲宗寶訓壬戌減三衙官屬六月乙亥金使來取被俘人詔實在民間者還之軍中人及叛亡者不預辛卯皇后夏氏崩秋七月乙巳皇太子薨閏月丁亥戚方坐交結內侍陳瑜等宗

除名瑜決杖黥配循州宗回筠州編管方竄信州復徙潭州籍所盜庫金以犒軍八月甲寅久雨命內外疏決繫囚宰相請罷不許壬戌以知建康府史正志兼沿江南北水軍制置使沿海十五州水軍悉隸之九月戊子太白晝見冬十月乙未朔占城入貢十一月丙寅合祀圜丘大雨而雷望祭於齋宮赦天下罷葉顥魏杞詔臺諫侍從兩省官指陳闕失及舉堪郎官寺監監司郡守者十二月乙巳置豐儲倉增印會子是歲增修真楊并六合城兩浙水四川旱江東西湖南北路蝗振之 四年春正月戊辰籍荆南義勇民兵壬午奪秦墳秦堪吳益郊恩廕補二月戊戌置和州鑄錢監己亥蔣芾入相乙巳賜王炎進士出身簽書樞密院事癸丑五星皆見三月庚午以敷文閣待制晁公武為四川安撫制置使戊寅賜果州團練使韓崇岳廟名忠勇

宣州觀察使朱勇廟名忠節己丑四方霧下若塵夏四月己亥
置郢州轉般倉癸卯遣使撫卹蜀二州飢民爲亂者并振綿漢
等州甲寅蔣芾等上欽宗帝紀實錄丙辰李燾上所著續資治
通鑑長編自建隆至治平一百八卷乙丑太白晝見丙戌行乾
道新曆丁亥饒信及建寧飢民嘯聚遣官措置振濟六月癸卯
詔四川撫司增印錢引一百萬對償民閒預借錢并蠲卹蜀二
州夏稅丁巳召興化布衣林象建寧布衣魏揆之赴行在秋七
月己巳罷沿江水軍制置司徽猷等州大水知衢州王悅憂勤
致疾而死贈直龍圖閣丁亥以經總制餘剩錢二十一萬緡椿
留卹蜀以備振濟己丑久雨御延和殿慮囚八月乙未班祈雨
雪法於諸路己亥五星復見九月庚申立內外佐升差審察法
限品官子孫名田庚午從太上皇幸天竺寺冬十月乙未詔自
今職事官吏局務官必任滿方許求外未歷親民任使卽未得
擬州郡但授通判甲辰大閱十一月乙亥詔峽州布衣郭雍赴
行在賜號冲晦處士癸未岳陽軍節度使居廣封永陽郡王
五年春正月甲戌命給子寅措置兩淮屯田二月甲辰以王炎
參知政事兼同知院事辛亥諭兩省自今詔令未經書讀者毋
輒行給舍駁正毋連銜同奏三月乙亥召允文赴行在代以王
炎宣撫四川丙子賜進士鄭僑等三百九十有二人及第出身
癸未詔侍從監司帥臣管軍薦武舉出身可任將佐者夏五月
己巳帝射弩弦斷傷目六月戊戌始視朝秋八月甲申朔日食
己丑俊卿允文並相以人材爲急一時所用故皆名士九月集
議欽宗配饗功臣壬申命淮西撫司參議官許子中措置淮西
山水砦招集歸正忠義人耕墾官田冬十一月癸丑朔復置淮

東萬弩手名神勁軍庚申增置廣東水軍以明州定海縣水軍
為御前水軍丙寅立岳飛廟於鄂州己巳太白晝見是歲修廬
和并襄陽府城温台衢婺饒信飢畱上供米以賑之 六年春
正月上召黃中講正心誠意之學癸丑雅州沙平蠻寇邊制使
晁公武討之失利降金字牌下宣撫王炎遣人約蠻歸部稍捐
邊稅與之遂罷制置司歸宣撫司庚午以知廬州郭振為武泰
軍節度使二月乙酉詔戶部侍郎二人分領諸路財賦丙申廣
西路復行鈔監法以備漕計壬寅詔諭大臣均役法嚴限田抑
游手務農桑庚戌遣司農寺丞許子忠詣淮西措置鑄小鐵錢
三月大周仁卒贈太尉乙卯復置江浙荆湖兩廣福建等路都
大發運使命史正志領之併准東總領所於淮西以敷文閣直
學士張震代知成都府充安撫使賜正志緡錢二百萬為均輸

和糴之用置司江州兼領鑄錢夏五月甲寅裁減三省六部
密吏額餘百司并三衙以是為差己未宰臣上神哲徽欽四朝
會要問月戊子遣范成大為金國祈請使求陵寢地并定受書
禮八月庚戌宰相允文請建太子并上乾道勅令格式九月壬
辰成大還祇許遷奉陵寢及歸欽廟梓宮而不易受書禮冬十
月丙辰詔發運使置司行在甲戌中書舍人趙雄請置局議恢
復俄遣使金十一月壬午合祀圜丘大赦加上太上尊號憲天
體道四字太皇后明慈二字置左藏南上庫十二月戊申大閱
癸酉罷發運司以史正志奏課不實責為楚州團練副使永州
安置是歲置同安斬春齊安興國廣寧豐餘裕國等監以鑄鐵
錢兩浙江東西福建水旱 七年春正月丙子上率羣臣奉上
尊號冊寶諭大臣非常之慶漢唐所無丁丑侍宴德壽宮壬寅

命三省錄宣諭聖語及時政記同進作敬天圖朝夕觀覽以自警省二月癸丑立子悖爲皇太子夫人李氏爲妃大赦增講讀官加封慶王愷爲魏王三月乙亥朔趙雄等還金主責以不請靈柩而請山陵其意欲得鞏洛耳乃以一品禮葬欽宗於鞏洛之原丙申御大慶殿皇太子受冊己亥皇太子恭謝紫宸殿宰相率百官赴東宮賀夏四月甲子皇太子判臨安府五月丁亥劉琪辭起復因上五策帝納其言爲寢前詔六月丙午復李顯忠太尉秋七月庚子加王炎樞密使仍宣撫八月辛酉復修襄陽城九月甲申從幸東園冬十月丁未罷紹興宗正行司改恩平王判西外宗正壬戌金遣烏林答天錫等來賀會慶節固請帝降榻問金主起居帝不許跪而不起虞允文請帝還內知閣門事王抃諭以明日見天錫沮退癸亥金使隨班入賀十一月

甲戌御集英殿策試賢良方正能直言極諫李處陽以講科身十二月庚申詔閣門舍人依文臣館閣以次輪對癸亥醫局是歲湖南江東西路旱振之募民爲兵八年春正月庚午朔頒乾道勅令格式丁酉朔獻景靈宮二月乙巳改左右僕射爲左右丞相兼樞密如故丙午詔六察分隸事有違戾詐監察御史隨事具實糾劾以聞戊申遣姚憲等使金賀上尊號附請受書之禮不報癸丑以吏部侍郎王之奇簽書樞密院事夏四月庚子賜進士黃定等三百八十九人及第出身甲子徐子寅等坐授田歸正人逃亡奪官秋九月乙亥詔王炎赴都堂治事戊寅罷允文宣撫四川己丑賜以家廟祭器壬辰入辭帝諭以治兵伺報決策親征十二月朱熹資治通鑑綱目成特改宣教郎屢召不起是歲隆興府江筠州臨江興國軍大旱四川水

九年春正月辛未罷王之奇江南安撫使王炎觀文殿大學士奉洞霄祠乙亥戶部侍郎沈寔刑部尚書鄭聞並簽樞密院事乙酉以措置兩淮荆襄十六事勅安撫轉運使督諸州守臣月具所行事奏仍審擇臧否以議黜陟閏月戊申久雨命諸司疎決繫囚乙卯修廬州城二月乙亥青羌那兒結寇安靜砦黎州推官黎商老戰死夏五月壬辰朔日食秋七月壬寅青羌那兒結降辛亥吐蕃彌羌畜列陷安靜砦引兵深入黎州守臣誘邛部蠻却之八月丙子詔興修水利九月丙申克家等上中興會要并上皇及今上玉牒冬十月甲子遣雷正等使金賀正旦壬申霽雲見甲戌曾懷爲右丞相張說知樞密院事鄭聞參知政事沈夏同知院事庚辰金遣完顏襄等來賀會慶節丁亥入辭示允文速爲邊備十一月戊戌合祀園丘大赦癸卯年元旌漢州什邡縣陳敏政五世同居十二月甲子沈夏罷知江陵府以中丞姚憲簽書院事乙丑金遣完顏章等來賀正以議受書禮不合詔俟改日復奉太上皇旨姑聽仍舊是歲浙東江東西湖北旱

淳熙元年春正月交趾入貢詔賜國名安南封李天祚安南國王三月丙申以鄭文爲四川宣撫使金遣梁肅等來計事夏四月戊寅遣張子顏等報聘己卯以姚憲參知政事尋謀奪曾懷相位懷落職奉祠五月壬寅班鄭興裔所創檢驗格目六月丙辰朔詔禮官討論別建四祖廟正太祖東嚮位癸酉改江陵爲荆南府秋七月成都府路安撫薛良朋兼權四川安撫制置使戊子詔舉廉吏壬辰曾懷復相姚憲謫南康軍八月己未張說罷以徽猷閣學士楊傑簽書院事冬十月丙寅鄭聞卒戊寅占

城入貢十一月甲申朔日食楊傑罷十二月丙寅詔改所鑄銅錢庚午詔禮官論復魏悼王襲封壬申葉衡等上真宗玉牒轉沈夏四川宣撫使二年春正月癸巳梁克家會懷擅改堂除落克家觀文殿學士降懷代之丁未兩淮歸正人安業復賞徐子寅等庚戌詔籍諸軍子弟爲背嵬軍三月丙申太上皇壽登七十詔禮官討論稱慶典禮乙巳詔武舉第一人補秉義郎除諸軍計議官夏四月乙卯賜進士詹曠四百二十有六人及第出身茶寇賴文政起由湖北入湖南數敗官軍命辛棄疾節制江州都統皇甫偁鄂州都統李川調兵捕之五月宴輔臣於玉津園六月庚戌朔沈夏復除同知樞密院事辛酉罷四川宣撫復制置使丁卯左司諫湯邦彥論劾宰相樞密竄蒂建康軍炎袁州說撫州並落職戊辰命振湖南江西被寇州縣仍蠲租稅茶寇轉犯廣東治失律罪編管江西總管賈和仲秋七月辛丑寺出西方八月丁丑遣邦彥等使金中議九月乙卯朔邦彥請分揚廬金興四州荆南襄陽興元三府爲七路每路文臣一人充安撫使以治民武臣一人充都總管以治兵三載視其成以議誅賞從之葉衡沈夏相繼罷閏月丁巳棄疾誘文政殺之茶寇平冬十一月戊申朔奉冊寶加上太上尊號性仁誠德經武緯文八字太后尊號廣慈二字餘如故十二月甲子立春日朝德壽宮預行慶賀禮大赦頒淳熙吏部七司法三年春三月丙午朔日食霧雲不見辛亥進呈太上皇日曆己未置六部編勅司癸亥從幸報恩寺辛未詔四川制司歲擇梁洋義士材武者二人赴樞密院壬申立任子參選覆試法夏四月戊寅詔侍從臺諫兩省官歲舉監司郡守各五人辛巳靖州獠人寇邊遣

兵討捕之。丁酉，湯邦彥、陳雷至金，所議不行，挾之以威，恐怖乃還。命除名竄新永州。自是河南之議始息，不復泛遣使矣。秋七月，建康留守劉琪賑濟有方，詔獎之。八月乙亥，褒六察官糾察庶務，臺綱益振，各進二官。壬午，久雨，命中外決繫囚。戊戌，靖州獠寇平。九月，遣官磨勘三總所財計。癸亥，詔自今犯公罪至死者，其蔭補具所犯奏裁，著爲令。冬十月丙子，御文德殿冊立貴妃謝氏爲皇后。十一月癸丑，合祀園丘，大赦。十二月，以袁樞所編通鑑紀事，賜東宮，令熟讀。丁酉，定鑄錢司歲額爲十五萬緡。是歲，京西湖北諸州興元、府金、洋州旱，紹興府台發州水，並振之。四年春正月戊申，閱視內外諸軍，歲以爲常。庚申，習水戰。丁卯，班淳熙曆。二月乙亥，幸太學，祇謁先聖，退御敦化堂，命祭酒林光朝講中庸，遂幸武學，謁武成王廟，以曹彬從祀，命升李晟於堂上，降李勣於其次，監學官各進秩，諸生推恩，賜帛有差。己卯，幸秘書省，賜省官宴，賦詩屬和。戊戌，知荆南府胡元質爲四川制置使，兼知成都府。三月己酉，龔茂良等上仁宗玉牒，徽宗實錄。甲寅，修韶州城。夏五月庚子朔，幸佑聖觀。六月癸未，升蜀州爲崇慶府。秋七月壬寅，立待補太學試法，每正解一人，待補五人。戊申，班御史臺彈奏格。乙酉，罷王雱從祀。甲子，班淳熙重修勅令格式。九月丁酉朔，日食。庚戌，命禮官定開寶政和祀禮。己卯，詔將士智勇傑出者，蠟等升差。十二月丁卯，試四川所上洋州義士，授官遣之。己巳，詔行薦舉事實法。是歲，福州建寧府南劍州水，並振之。五年春正月，命宰臣編光堯慈訓。辛丑，侍御史謝廓然奏，毋以程顥、安石之說取士。三月壬子，復史浩、右丞相是春黎州蠻出降。夏四月辛未，賜進士姚穎等四百十

七人及第出身已卯罷趙思起居舍人以奉使不知禮仍降二官五月庚子置武學國子員丁未修臨安城六月甲申以給事中錢良臣簽書樞密院事閏月丙申贈強電強震官立廟西和州賜名旌忠秋八月甲午詔復制科舊法戊午增銓試爲五場呈試爲四場冬十月戊戌史浩等上三祖下第六世仙源類譜十一月甲戌浩復罷政丁丑趙雄爲右丞相王淮樞密使錢良臣參知政事庚辰復監司互察法十二月庚寅朔班新定薦舉式丙午禁兩淮銅錢復行鐵錢是歲階成興化軍水通秦楚州高郵軍田鼠傷禾三佛齊國入貢六年春正月從大社令葉大廉言詔御前宣索並經由合同憑出司二月己丑朔幸佑聖觀皇太子從少傅史浩少保曾覲皆侍賜宴從容上心甚悅顧謂方今講讀經固所當先史亦不可廢皆恭聽壬辰錢良臣自

劾失舉帝謂以身行法朕不敢私命鑄三官丁巳裁特奏名法毋竟授親民官三月己巳郴州賊陳峒等破連道州桂陽軍諸縣命湖南帥臣討捕之夏四月旱詔求直言知南康軍朱熹上疏極言時政除提舉江西常平茶監五月乙亥郴寇平籍其降者隸荆鄂軍六月詔四川不經兵火所藏必多命求遺書辛亥廣西妖賊李接破鬱林州守臣李端卿棄城遁遂圍化州命經畧劉焯討捕之秋七月戊辰班龍典以來寬恤詔令趙雄等上會要癸未太白晝見經天九月辛未合祭明堂大赦蠲被寇州縣租稅冬十月丙申詔太學兩優釋褐與殿試第二人恩例庚子四川行當三大錢戊申妖賊平擢焯集英殿撰端卿除名編管梅州十一月乙卯朔命宰執示從臣御制論數百言激言用人之弊誅賞之法辛酉裁宗子換官并試法凡宗室有出身

人得考試及注教授官十二月丙申重修淳熙百司法印以名
 之己亥詔自今鞠賊吏後雖原貸毋以失入坐獄官罪是歲温
 台州水和州旱 七年春正月頒釋奠儀己卯詔京西州軍用
 鐵錢及會子民戶銅錢並以二者償之滿二月不輸官許告賞
 二月丙戌復置皇太子宮小學教授三月壬戌詔舉制科庚午
 迎太上帝后宴翠寒堂夏四月丙戌趙雄等上仁哲二宗玉牒
 甲辰黎州五部落蠻人深入犯盤陀砦綿潼都監高晃與戰敗
 走大掠而去己酉命廕補武舉宗室小使臣行三年喪五月己
 卯申飭書坊擅刻書籍六月壬辰五部落再犯黎州制司鈴轄
 成光延戰敗官軍多死權州事折知常棄城遁甲午制司益兵
 遣都大提舉茶馬吳總往平之壬寅詔試刑法官兼經義秋七
 月丁卯旱決繫囚命羣臣分禱山川八月癸未禁黎州官吏市

蕃商物甲申諭輔臣職事官以上各實封言事是夕雨甲辰蠻
 復犯塞左軍統領王去惡拒却之折知常賂使獻馬乞降詔許
 互市九月丙寅聽監司薦舉知縣成資冬十月丙戌詔限田太
 寬民役煩重令臺諫給舍同戶部長貳詳議以聞十一月癸亥
 黎州戍軍伍進等作亂知常復遁王去惡誘誅之十二月庚寅
 趙雄等上仁哲徽欽四朝國史志壬辰責制使胡元質不備蕃
 部致其猖獗奪兩官罷之以成都府路提點刑獄祿東之權四
 川制置司袁州分宜縣水南康軍旱蠲租振之 八年春正月
 詔自今內侍不得兼軍職永為定制三月賜進士黃由以下及
 第出身夏四月修湖南諸州城丙辰臨安疫分命醫官診視癸
 酉立郴州宜章桂陽軍臨武縣學以教養峒民子弟五月戊寅
 詔監司守令勸課農桑察其勤惰以為賞罰辛卯久雨減京畿

兩浙罪囚貸貧民稻穀種六月加史浩少師詔以所薦薛叔似
楊簡陸九淵陳謙葉適袁燮石宗昭趙善譽趙靜之張子智等
並赴都堂審察秋七月不雨罷招軍辛卯賞監司守臣十六人
修舉荒政諸縣令有能者各以名聞壬辰紹興嚴州臨安府諸
縣大水出秀婺州平江府米賑糶辛丑錄范質後八月丙辰更
後殿帷次爲延和殿己未陳峴爲四川制置使戊辰從言官論
歉歲蠲減經費有虧令戶部據實以聞毋得督趣已蠲閣之數
九月庚辰命諸路提舉司貸民麥種辛巳錢良臣罷冬十月辛
酉錄黎州戰歿將士十一月甲戌罷喜雪宴上惡池州守趙粹
中誤殺遞卒汪青詔落職優給青家辛卯濟行在至鎮江府運
河十二月移朱熹浙東提舉常平上出內庫錢付以振糶丁未
禁諸州營造蠲明年身丁錢物以曾牒募闈廣民入米甲子下

朱熹社倉法於諸路是歲廣東安撫輩湘誘湖賊沈師出降誅
之除汀漳民爲所蹂踐者賦役江浙兩淮京西湖北潼川夔州
等路水旱相繼發廩蠲租遣使按視徽饒二州民流者衆罷其
守臣有流入江北者命所在振業九年春正月甲戌詔四孟
朝獻分用三日如在京故事上加意荒政勸諭振貸推賞不絕
仍差官諸路按視督察着實舉行癸未王抃罷奉外祠更以文
臣爲樞密都承旨又罷諸軍承受復密院文書關錄兩省舊法
二月庚戌遣使訪問二廣鹽法利害俄更官賣復行客鈔戊辰
四川制司獲叙州賊大波浪夏四月乙卯詔文武臣遍置諸路
提刑一員癸亥帝覽陸贄奏議論講讀官今日恐有如德宗之
弊者卿等條陳來上無有所隱五月丙子詔輔臣擇監司郡守
必先才行六月壬寅又詔侍從臺諫各舉操修端亮風力彊明

可充監司者秋八月庚子詔皇后內命婦并文武臣遇郊薦致仕遺表恩澤視舊法減三之一九月辛巳大享明堂赦十一月乙酉進奏院火是歲浙西淮東蝗嚴捕賞罰賜臨安貧民棺瘞錢十年春三月戊辰李燾復上治平以後通鑑長編辛未有司請造第七界會子夏四月丙申再蠲臨安府民丁身錢三年五月丙寅增小學教授一員六月戊戌監察御史陳賈請禁僞學已未詔舉廉吏嚴賊吏禁秋七月乙丑不雨決繫囚丙寅幸明慶寺命羣臣分禱郊社宗廟山川求直言中外官各陳闕政王淮等乞罷不許丁丑詔除災傷州縣去年欠稅甲申雨八月庚申以左藏南庫隸戶部九月丁亥禁內郡行鐵錢冬十月乙未詔諸路義役差役各從民便十一月壬戌朔日食甲戌幸龍山大閱閏月壬寅却安南獻象是歲福漳台信吉等州水京西

金澧州南平荆門興國廣德軍江陵建康鎮江

興寧國府俱

旱十一年春正月辛卯朔雨土上立心忠厚聞太湖知縣趙傑之不丁繼母憂令宰相降一官不必明言其罪辛丑安化蠻蒙光漸等犯宜州廣西鈴轄沙世堅討獲之二月詔選萬弩手材武者試授以官三月癸巳命利路三都統吳挺郭鈞彭杲密陳出師進取利害以備金人復金州管內安撫司夏四月戊辰賜進士衛涇以下三百九十四人及第出身癸未重頒紹興申明刑統五月癸卯以校書羅點言命刑寺議減刺配法情輕者別令居役或編管他郡庶得全其面目知所顧藉可以自新六月詔舉制科不限三年之數制舉題免出註疏策內有及軍民利病考官哀類以聞秋七月甲寅築黎州要衝城冬十月壬午詔以忠義立廟者悉令兩淮漕臣繕治十一月令峽州歲時存

問處士郭雍尋賜號願正先生十二月熊克上九朝通畧丁巳
修湖南府城是歲江東浙西諸州水福建廣東吉贛州建昌軍
興元府金洋西和州旱詔賑恤十二年春正月上留意將帥
嘗戒以蔽功忌能專已自用因舉趙奢解闕與之圍始不納羣
諫及許歷進北山之策奢卽許諾卒敗秦師奢爲封君與廉頗
同仕不以爲害卿等當取爲法壬辰四川制司留正遣人誘青
羌那兒結殺之戊戌日中有黑子庚戌又見二月庚辰置黎州
防邊義勇夏四月丙子牒言故遼太石林牙假道夏人以伐金
密詔吳挺與留正議之五月辛卯福建諸州地震詔帥臣趙汝
愚察守令擇兵官防盜賊秋八月癸亥太上皇壽登八十詔有
司議典禮冬十月辛亥加上尊號紹業興統明謨盛烈八字太
上皇后加備德二字餘悉如故十一月丁亥鄂州大火戊子雷

辛丑合祀園丘大赦十二月庚戌朔帥羣臣奉土冊寶推恩如
故事十三年春正月庚辰朔率羣臣詣德壽宮行慶壽禮大
赦文武臣僚並準三年磨勘免貧民丁身錢之半犒賜內外諸
軍癸巳進史浩太傅陳俊卿少師嗣濮王士歆少保士峴開府
儀同三司夏五月癸未日中有黑子宴經筵官侍讀蕭燧等以
進讀陸贄奏議終篇賜金器鞍馬上名宰執賜酒從容語曰自
古人君知道者少行道尤難德宗雖有陸贄不能盡如所言若
魏徵則所言不虛朕每事必思以太宗爲法德宗爲戒閏七月
丙午朔雨雹已未五星皆伏八月乙亥朔日月五星聚於軫壬
午新築江陵城成冬十月甲戌朔福州火十一月甲子王淮上
仁英二宗玉牒神哲徽欽四朝國史列傳皇帝會要十二月戊
戌大理寺奏獄空十四年夏四月戊子賜進士王容以下及

第出身五月乙巳成都火六月戊寅久旱減膳撤樂頒畫龍祈
雨法釋繫囚甲申幸太乙宮明慶寺行禱宰相求罷不許庚寅
臨安府火癸巳詔衡州葺炎帝陵廟秋七月丙午令陳闕政及
當今急務罷戶部上供殿最及漕臣催理逋欠丁未蠲秀州糴
本汀州經界巳酉詔監司條鹽州縣弊事民間疾苦癸丑命檢
正都司看詳羣臣封事給舍看詳監司所條弊事有可行者以
聞丙辰命臨安府捕蝗募民輸米賑濟除紹興新科下戶和市
布帛辛酉給僧牒兩浙江淮湖南福建鬻以濟飢戊辰雨八月
甲戌御殿復膳九月癸卯上皇不豫日詣德壽宮問疾不視朝
大事宰臣奏於內殿冬十月辛未赦癸酉分禱天地宗廟社稷
乙亥崩於德壽殿帝號慟辟踊二日不進膳以甘昇主管喪
事韋璞等使金告哀伯圭攢官總護辛巳詔宰臣討論儀制朕
當衰服三年羣臣自遵易月之令乙酉百官五上表請帝還內
詔答俟過小祥勉從所請戊子帝衰經御素輦還內三日一朝
以師魯等充金國遺留使甲午詣德壽宮凡遇七日及朔望皆
如之己亥大祥始服白布巾袍御延和殿詣宮衰經而杖如初
詔皇太子參決庶務三辭不許辛丑禪祭百官釋服甲辰羣臣
復三表請御殿聽政詔答俟過祔廟辛亥冬至詣宮哭臨甲寅
西南方有赤氣隨日而入乙卯雷十二月庚午大理寺奏獄空
壬午東北方有赤氣隨日而出癸巳見金賀正旦使完顏崇安
等於垂拱殿東楹之素幄禮物毋入付之有司十五年春正
月丁酉朔詣几筵行禮戊戌皇太子初決庶務於議事堂在內
寺監在外守臣以下與宰執同議除訖奏聞辛丑復置左右補
闕拾遺乙巳詔自今御內殿令皇太子侍立二月丁亥金遣蒲

察克忠孝等來弔祭癸巳遣京鏗等報謝三月庚子上大行太
上皇諡於几筵殿癸丑用洪邁議以呂頌浩趙鼎韓世忠張俊
配饗廟庭吏部侍郎章森秘書監楊萬里乞用張浚岳飛皆不
報丙寅攢永思陵夏四月壬申帝親奉迎虞主行禮自是七虞
八虞九虞卒哭奉辭皆如之乙亥出洪邁楊萬里外郡禮官尤
袤請再集議配享上用御史冷世光言復罷丙戌耐主太廟詔
雖有前旨朕稽諸典禮心實未安行之終制乃爲近古宜體至
意勿復有請己丑減臨安紹興囚罪蠲攢宮役者賦遵皇太后
旨車駕一月四詣德壽宮如舊禮五月乙巳詔諭薛叔似卿等
以拾遺補闕爲名不在糾劾今所奏乃類彈擊甚非設官命名
之意宜思自警丁巳詔修實錄壬戌始御後殿六月戊辰罷勅
令所庚寅熒惑犯太微秋七月戊戌上廟樂曰大勳舞曰大德

八月甲子朔日食布衣陳亮上萬言書九月庚子夜南方有赤
黃氣覆大內辛丑大饗明堂以太祖太宗並配大赦癸卯更試
補醫官法甲寅上皇太后宮名慈福移居之冬十月甲寅會慶
節免朝賀北使百官祇詣東上閣門拜表起居十一月庚子建
煥章閣藏高宗御集甲辰詔百官輪對毋過三奏是歲江西湖
北兩淮建寧府徽州水十六年春正月癸巳金主雍殂孫璟
立辛亥諭二府以倦勤之意左丞相周必大留身呈詔己未更
德壽爲重華宮二月辛酉朔日食壬戌內禪皇太子卽位帝遷
於重華宮辛未上尊號曰至尊壽皇聖帝皇后曰壽成皇后在
位二十七年壽六十八崩諡曰哲文神武成孝皇帝廟號孝宗
冊曰兩朝禪授歷代所稀孝宗光天終始無違賴及東南
亦頗庶幾未盡中興難以厚非

天王 宋一之十二

光宗皇帝諱惇孝宗第三子母郭皇后以紹興十七年九月乙丑生於藩邸初授右監門衛率府副率領榮州刺史孝宗初改鎮洮軍節度使開府儀同三司封恭王資性英武類上與講官商較前代事時出意表皆謂不及莊文既薨屢欲立之阻於非次乾道六年七月太史奏水火合宿常有赦虞允文因請蚤建儲貳孝宗曰朕此意豫定已久所以遲之者恐人情易驕卽自縱逸不勤務學寢致有失朕更欲其練歷庶務通知古今庶無後悔爾七年因上兩宮尊號冊寶禮成允文復請孝宗曰太子旣立卽令親王出鎮外藩卿宜討論典禮以聞遂立爲皇太子命判臨安府究心民務周知情僞孝宗數稱之語趙雄曰太子資質甚美每遣人問安朕必戒以留意問學九年命解府事專

心講讀孝宗諒陰手詔令參決庶務以內東門司爲議事堂間日公服以見輔臣內外除擢自館職刺史以上方以上聞會局必大乞去孝宗諭以少留會陳康伯家以紹興傳位御劄來上密遣中使持賜必大因令討論典禮旣又密諭留正朕實欲退就休養以畢三年之制因兩府奏事明言傳位之意至日吉服御紫宸殿行禪代禮應奉官以次稱賀內侍固請就坐帝力辭扶掖至七八乃微坐復興丞相率百僚稱賀禮畢密院升殿奏事帝立聽班退孝宗反喪服御後殿帝侍立尋登輦同詣重華宮還上尊號立妃李氏爲皇后甲子率羣臣朝重華宮大赦百官進秩優賞諸軍蠲公私逋負自此五日一朝壽皇薨之仍依故事一月四朝宰相以下月一朝丙寅恭上冊寶辛未上祖母尊號壬申詔宰執從官內外臣僚陳時政闕失遣中書舍人羅

點使金告即位乙亥詔兩省官詳定內外封章有要切者具
 聞辛巳立生日為重明節丁亥詔百官輪對秘書郎鄭澁首言
 本朝三事一事親二治內三教子願陛下盡事親之道以全帝
 王之大孝嚴正家之義以立刑于之規明教子之法以壽萬世
 之根本己丑詔編壽皇聖政庚寅詔羅點具可為臺諫者疏上
 葉適吳鎰孫逢吉張體仁馮震武鄭湜劉從之沈瀉臣三人三
 月壬辰詔侍從兩省臺諫各舉可任湖廣及四川總領者己亥
 進封皇子擴嘉王賜以原存東宮書籍責令誦讀癸卯金遣主
 元德等來告哀遣諸葛廷瑞沈揆等往弔祭并賀即位甲寅加
 士峴少保戊午金遣張萬公等來致遺留物徒隸鑾儀書即位
 己未罷拾遺補闕改薛叔似許及之等官夏四月丙寅孟饗大
 廟丙戌朝饗景靈宮五月戊申封和義郡夫人黃氏為貴妃閏
 月癸酉詔季秋有事於明堂以高宗配丙子出內帑錢賑臨安
 貧民壬午大理奏獄空秋七月辛酉閱儒林郎倪恕等封事可
 采遷官免文解有差戊辰遣謝浹甫等賀金主生辰八月甲午
 升恭州為重慶府癸丑金遣溫迪罕肅等來賀即位九月癸亥
 完顏守真等來賀重明節戊辰詔侍從各舉公正溫敏嘗任守
 令及職事官材堪御史者甲戌詔監司帥守秩滿到闕薦所部
 廉吏冬十月甲寅大閱十一月庚午改元是歲常德鎮江府辰
 沅靖階等州大水入其廓南劔州火
 紹熙元年春正月丙辰朔帝率羣臣詣重華宮奉上册寶壬午
 何澹請置紹熙會計錄同戶部長貳檢正稽考財賦出入之數
 以聞二月辛亥殿中侍御史劉光祖乞禁譏訕道學通摘淳熙
 所定御史彈奏三百五條內有關於中外臣僚將帥后戚內侍

兵將禮樂風俗之事凡二十條奏乞付下恪守從之三月庚午
久雨釋囚夏四月戊申賜進士余復以下及第出身婺州王介
策言道學皆賢人君子當今不可為諱帝嘉歎擢為第三由是
譏訕少沮五月丙子太白晝見六月甲午御後殿慮囚秋七月
癸丑錄趙普後八月辛卯初命任子及選人吏部簾試以革代
倩之弊己亥上壽皇玉牒日曆己酉更造新曆名曰會元九月
己未升劔州為隆慶府冬十月庚戌詔諭郡縣吏奉法愛民十
一月甲寅安南入貢壬戌潼川通判王溉擢節漕計代輸并戶
重額錢詔獎之十二月戊申浦城盜張海作亂詔提點刑獄豐
誼捕之安撫使趙汝愚與守臣監司各降秩縣令追停二年
春正月詔兩淮行義倉法修以合城戊寅雷雨雹三月庚辰
朔大雨雪乙酉詔侍從臺諫兩省卿監郎官館職各具時政闕

矣以聞出米賑臨安貧民權罷修皇后家廟上初政宴遊無度
宮女進獻不時伶人出入無節宦官侵奪朝政加以典作不輟
起建樓臺甚至奏羌戎樂習齋郎舞使嬖妾雜優人飾以怪異
巾服備極醜態辛卯布衣余右上書極諫帝怒送筠州學聽讀
丁未金遣完顏亶等來告主母徒單氏之喪遣宋之瑞等往弔
祭三月丙寅詔福建提刑陳公亮知漳州朱熹同構置漳泉汀
三州經界癸酉建寧府雨雹壞民居温州大風雨雹田苗桑
果蕩盡丙子出右司諫鄧驛夏四月乙酉從壽聖及后幸聚景
園丙申詔侍從兩省臺諫及外臣各舉所知嘗任監司郡守可
充郎官卿監及資歷未深可充諸職事官者五月留正復請建
儲上覆以稍緩俟過宮與壽皇議辛亥詔六院官許輪對仍入
雜壓庚申詔宰執侍從經筵翰苑官自今內殿不時宣對及引

奏事庶廣咨詢以補治道六月戊寅詔監司到任半年條上裕
 民事如郡守秋七月己未趙出會子收兩淮私鑄鐵錢乙丑復置
 太醫局九月癸丑久雨命決繫囚己巳詔侍從於嘗任卿監郎
 官內選堪斷刑長貳以聞冬十月丙子朔罷經界丁丑築福州
 外城庚辰減木禮貢官賜物三之一十一月乙巳冊加高宗徽
 號受命申興全功至德聖神武文昭仁憲孝皇帝立廟百世不
 遷辛未有事於太廟皇庶毅貴妃黃氏以暴卒聞壬申合祭園
 丘因大風雨不從禮而還帝感懼感疾罷稱賀肆赦不御樓壽
 皇及后幸大內視疾自是帝者禱朝十二月丁亥始御內殿對
 輔臣甲辰內侍省都知楊皓押班黃龜私相朋附配撫州并
 夷住常州是歲潼川崇慶建寧三府大安石泉淮安三軍福興
 河利果合綿漢八州大水登簡普榮階城西和鳳八州遊淮東

富順監旱徽及金州大火三年春正月乙巳朔帝有疾不
 朝詔輔臣代行恭謝之禮二月甲子嘉王府講讀官二員甲子成
 都府路運判王漑代民輸激賞等絹錢詔進一官令再任三月
 甲戌修天長縣城辛巳帝疾稍愈始御延和殿聽政封皇子濤
 安定郡王羣臣上言願陛下清心寡慾躬自節儉然後明詔大
 臣裁立經費上不能用乙酉留正求去不許庚寅宜州蠻寇邊
 改知鬱州沙世堅知宜州以討之夏四月戊午帝朝重華宮五
 月帝復疾不視朝秋七月壬午瀘州卒張信等作亂殺帥臣張
 孝芳軍士下進張昌擊殺之九月甲戌修德安府外城冬十月
 壬寅修大禹陵廟丙午修潭州城庚申會慶節丞相率百官詣
 重華宮拜表稱賀十一月丙戌日南至丞相代行慶賀禮羣臣
 羅點尤袤黃裳等疏請過宮及汝愚面請帝皆開納辛卯帝后

同朝重華都人大悅十一月癸卯帝率羣臣上壽皇玉牒聖政
會要是歲四川江東京西湖北大水四年春正月己巳朔帝
及后朝重華宮二月戊戌陳源復召除在京宮觀丙寅貸淮西
民市易錢出米賑江陵飢甲戌皇孫生三月丙子復朝重華宮
夏四月癸巳從幸景園乙未修築縣城五月己巳賜進士陳
亮以下及第出身授李僑成都府司戶參軍自以祿不及親乞
致仕官回贈父母帝嘉其志許之六月己酉御後殿慮囚癸丑
蠲臨安稅甲寅太白連晝見秋七月丙寅大雨雹丙子不雨命
決繫囚乙酉叙州夸賊沒該落無等寇邊遣兵討平之八月丙
申蠲紹興丁鹽茶租錢丁巳起復吳挺子曦爲濠州團練使帶
御器械九月庚午重明節百官上壽請帝朝重華宮不聽甲申
將朝皇后復止之舍人陳傳良引襪力諫不聽戊子彭龜年沈

有開倪思等戒止疏不報冬十月己酉朝獻於景靈宮夜地
庚戌復值朝獻地再震生毛壬子羣臣合請朝重華宮三疏不
報甲寅雨土趙彥逾等疏請會慶節屆壽皇降旨朕自秋涼以
來思與帝相見帝以疾辭丞相葛邲率百官代賀於重華宮禮
畢上章居家待罪詔不許戊午黃裳等請誅內侍楊舜卿臺諫
張叔椿崔頴以言不行乞罷黜太學生汪安仁等二百餘人上
書皆不報己未丞相以下奏事重華宮庚申將朝復稱疾不果
羣臣上疏自劾請罷彭龜年奏逐陳源以謝天下又不報十一
月辛未日中有黑子壬申侍從兩省趙彥逾等十一人同班奏
事癸酉太白晝見夜有赤雲白氣戊寅帝始赴重華都人大悅
日中黑子減癸未上祖母尊號曰壽聖隆慈備福皇太后十二
月戊戌朝重華宮金使回奏金人問朱熹安否詔以熹爲湖南

安撫使知潭州是歲浙東兩淮荆湖大水江東浙西淮西旱成
議賑恤五年春正月癸亥朔帝御大慶殿受朝遂朝重華宮
次率羣臣詣慈福宮恭上冊寶推恩如故事癸酉壽皇不豫三
月己巳壽成皇后生辰免過宮上壽夏四月甲午帝幸玉津園
皇后及後宮皆從乙未壽皇幸東園己亥朝獻於景靈宮壬寅
不雨命決繫囚癸卯雨土甲辰侍從入對己酉太學程肖說等
移書大臣事聞帝將以癸丑日朝至期丞相以下入宮門俟至
日昃帝復辭疾不果侍從館學官皆乞罷黜職事官百餘人請
去詔成不許丙辰侍講黃裳秘書少監孫逢吉等再疏以請丁
巳臺諫交劾內侍陳源楊舜卿林億年離間兩宮陳傅良請以
親王執政或近上宗戚一人充重華宮使皆不得命傅良繳上
告勅出城待罪五月甲子侍從入對未得見宰相請重華宮問

疾丁卯壽皇疾亟命丞相以下分禱天地宗廟社稷留正等請
帝侍疾亟引帝裾隨至福寧殿久之涕泣而出辛未求罷帝命
皆退於是丞相以下咸出城待罪知閣門事韓侂胄復請宣押
入城許之乙亥帝將朝復不果戊寅赦庚辰丞相以下詣宮問
疾癸未彭龜年叩頭奏請詔令上殿京鏜袁說友入對又請甲
申從官及府僚列奏乞令嘉王詣重華問疾許之王至宮朝見
壽皇爲之感動六月戊戌大漸嘉王并宰執泣請於後殿不得
命是夜壽皇崩於重華殿遺詔遷壽成皇后於宮後以便定省
發重華宮錢銀百萬賜內外諸軍己亥丞相百官疏請詣重華
成禮辛丑請就喪次成服皆不赴壬寅大斂嘉王入奏詔俟疾
愈丞相以下請皇太后垂簾聽政不許請代行祭奠禮許之連
夜白氣亘天帝奉皇太后旨以有疾聽就內中成服乙巳尊皇

太后為太皇太后壽成皇后為皇太后遣薛叔似等使金告哀
 林湜等致遺留物秋七月辛酉留正等請立嘉王為皇太子帝
 許之方擬指揮以進御筆親書八字歷事歲久念欲退閑正得
 之大懼稱疾逃歸甲子奉太皇太后命皇太子即皇帝位帝移
 御泰安宮壽五十四崩諡曰憲仁聖哲慈孝皇帝廟號光宗
 冊曰內制強妃外拘姦宦兩朝之治隳於一旦

弘簡錄卷九十六

明刑部員外郎仁和弘齋邵經邦學

皇清翰林院侍講學士四世孫遠平校閱

天王 宋一之十三

寧宗皇帝諱擴光宗第二子母李皇后娠時夢日墮於庭用手
 承之以乾道四年十月丙午生於恭邸次年五月賜名十一月
 乙丑授右千牛衛大將軍淳熙五年十月戊午遷明州觀察使
 封英國公七年二月出就外傳九年正月加冠十年九月己巳
 始預朝叅十一年當出閣以兩宮寵愛不令在外命建第東宮
 之側居之十二年三月乙酉轉安慶軍節度使封平陽郡王八
 月辛酉納夫人韓氏光宗受禪加少保改鎮武寧軍進封嘉王
 始置翊善以沈清臣為之帝自弱齡尊師重傅留正屢請立為



儲嗣會孝宗崩光宗疾宰臣奏王仁孝夙成宜正儲位以安人心奏凡三上越六日從之提舉重華宮關禮使其姻黨宣贊舍人傅昌朝密製黃袍以進壬戌當禪祭趙汝愚率百官詣大行柩前太皇太后垂簾汝愚捧御批八字以進太后曰既有御筆卿當奉行癸亥擬后旨進云皇帝以疾至今未能執喪曾有御筆欲自退閑皇子嘉王擴可即皇帝位尊帝為太上皇后為太上皇后太皇太后覽畢曰甚善甲子汝愚以后旨諭帝帝固辭曰恐負不孝名汝愚奏天子當以安社稷定國家為孝今中外憂亂萬一變生置太上皇何地眾扶入重華殿東應素幄改服黃袍却立未坐內侍扶掖乃坐汝愚率同列再拜稱賀帝起易衰服詣几筵殿伏哭盡哀須臾立仗訖百官班定帝出就素幄百官起居入行禪祭命建泰安宮以奉太上皇并后車駕五日

一朝百官月兩朝乙丑太皇太后命立崇國夫人韓氏為皇后丙寅大赦百官進秩優賞諸軍以即位告於天地宗廟社稷汝愚即喪次召還留正戊辰詔求直言庚午朱熹詣行在戊寅秋暑太上帝后移御未便即以寢殿為泰安宮拜郭杲武康軍節度使郭師禹為攢宮總護使壬午落侂冑階官擢汝州防禦使侂冑不悅力辭復進宜州觀察使甲申帝訪宰執侍從政治得失令兩省詳定應詔封事具要切以聞戊子詔百官輪對八月辛卯初御行宮便殿聽政癸巳朱熹奏五事除煥章閣待制兼侍講初講大學以所講編次成帙進日上開懷容納甲午黃裳陳傅良彭龜年皆兼講讀官令開陳經旨救正闕失丁酉立生日為天祐節俄改為瑞慶節己亥率羣臣朝泰安宮辛丑詔諸道舉廉糾汚乙巳復坐講禮丁未復罷丙辰內批罷留正以汝

愚為右丞相丁巳詔侍從兩省臺諫各舉宗室有文學器識者
 二人通亮公清不植黨與曾任知縣者二人九月己巳命汝愚
 朝獻景靈宮庚子命伯圭朝饗太廟辛未親祀明堂大赦甲戌
 下詔撫諭諸將冬十月庚寅建東宮為福寧殿更泰安宮為壽
 康宮癸巳雷令羣臣各疏闕政庚子久雨命夾擊囚辛丑減兩
 浙江東西路和市折帛及蠲口鹽丁錢黎雅州蠻寇邊官軍土
 丁拒退降之甲辰用朱熹言趣後省看詳封事邵瑞慶節表賀
 乙巳上大行壽皇聖帝諡丙辰奠冊寶於重華殿閏月庚申吏
 部尚書鄭僑等請祧僖宣二祖正太祖東嚮之位立僖祖別廟
 以藏順翼宣三祖之主乙亥拜趙彥逾端明殿學士知建康府
 意亦不滿改除四川制置使戊寅朱熹上疏忤侂冑罷其侍講
 汝愚及臺諫給舍交章請留不聽壬午詔始改元十一月丙午
 帝還大內庚戌侂冑兼樞密都承旨辛亥雨木水升明州潛邸
 為慶元府乙卯攢永阜陵十二月乙丑詔令近臣各舉為諫官
 御史者侂冑與陳騏謀密諭中司令薦所厚善成進言路以擢
 汝愚丁卯內批除謝深甫御史中丞楊大法殿中侍御史劉德
 秀劉三傑監察御史己巳劾罷陳傅良劉光祖庚午又引余端
 禮知樞密院事京鏜參知政事鄭僑同知院事至參知政事甲
 戌祔孝宗神主於太廟樂曰大倫之舞以陳康伯配饗丁丑德
 音減罪囚蠲攢宮役者賦是歲遣使金告禪位并報謝又賀生
 辰正旦金遣使來弔祭及賀即位又賀瑞慶節并正旦兩浙淮
 南江東西路水旱振之仍蠲其賦

慶元元年春正月侂冑得政丙辰白虹貫日二月內批李沐為
 右正言攻罷趙汝愚併罷兵部侍郎章穎知臨安府徐誼祭酒

李祥博士楊簡三月丙戌朔日食庚寅太白經天夏四月丁巳
安置大府寺丞呂祖儉於韶州中書舍人鄧驛繳奏轉徙吉州
庚申太學生楊宏中等上書請黜李沐留汝愚等詔各送五百
里外編管五月戊戌下詔戒百官朋比六月癸酉更侂冑保寧
軍節度使提舉萬壽觀秋七月己亥太白晝見丙戌熒惑入太
微垣冬十月乙丑升諸潛藩秀州爲嘉興府舒州爲安慶府嘉
州爲嘉定府英州爲英德府十一月乙丑雨土戊戌率羣臣上
太上皇尊號曰聖安壽仁丁未命宰執大閱是歲久雨都城兩
淮兩浙大水臨安大疫賑貧民蠲租稅免身丁絹決繫囚二
年春正月侂冑專政戊子雷庚寅川鄭僑知樞密院事二月知
貢舉吏部尚書葉翥倪思劉德秀等論奏僞學之徒鼓動天下
故文風未能丕變詔從其請禁六經論孟學庸等書并詩錄

類盡行除毀三月己亥上以嫡孫欲遵行三年喪制翥等固請
以六月六日大祥從吉七月一日御止殿饗祖廟從之丙午有
司上慶元會計錄夏四月以葉翥僉書樞密院事五月辛巳景
禱於天地宗廟社稷詔諸司決繫囚辛卯賜進士鄒應龍以下
及第出身凡稍涉義理悉見黜落甲午建華文閣以藏孝宗御
集甲辰更慈福爲壽慈宮六月帝因太皇太后聞禁僞學心知
其非始降御札自今臺諫給舍論奏毋及舊事務在平正以稱
朕救偏建中之意胡紘請權住進擬僞學之黨會殿中侍御史
黃黼又論治道在黜首惡不當留人過失於心侂冑黨皆怒罷
其職而以姚愈代之丙子子竣生三月而歿秋七月癸未朝饗
太廟戊子詔降德音量徙祖儉宏中等於內郡八月癸丑奉安
神御於景靈宮九月甲午流星晝墜冬十月甲戌大閱十一月

庚寅止孝光二朝寬恤詔令 三年春正月壬寅朔帝御正殿受朝退朝壽慈壽康兩宮鄭僑罷二月己酉京鎗等上神宗玉牒高宗實錄丁巳從大理司直邵袞然請自今權臣偽學黨與勿除在內差遣三月乙未建東華門夏四月壬子旱禱於天地宗廟社稷乙丑雨雹六月戊辰頒淳熙寬恤詔令閏月甲午大奚山島民犯私鹽提舉徐安國往捕作亂知廣州錢之望遣兵盡殺之秋八月戊子復置嚴州神泉監甲午均諸路職田九月壬寅四川旱詔蠲民賦乙丑詔凡監司帥守薦舉及遇大比漕司前期取家狀勿用偽學之人冬十月癸酉雷十一月辛丑太皇太后崩適郊禋期迫從佞胄議所費浩大不可已仍朝獻景靈宮太廟并加諡孝宗紹統同道冠德昭功哲文神武明聖戊孝皇帝甲辰日南至祀園丘大赦丁未始宣遺詔遣趙介使

告哀十二月知綿州王沆請籍偽學擢爲利路運判籍首趙汝愚留正周必大王蘭餘朱熹徐誼彭龜年陳傅良薛叔似章穎鄭湜樓鑰陳大中黃由黃黼何異孫逢吉劉光祖呂祖儉葉適楊萬里項安世沈有開曾三聘游仲鴻吳獵李祥楊簡趙汝讜汝談陳峴范仲黼汪逵孫元卿袁燮陳武田澹黃度張體仁蔡幼學黃灝周南吳柔勝李壘王厚之孟浩趙鞅白炎正武臣皇甫斌范仲壬張致遠太學楊宏中周端朝張道林仲麟蔣傅徐範蔡元定呂祖泰共五十九人 四年春正月佞胄專政丙寅以葉翥同知樞密院事二月丙子上行太皇太后諡三月甲子攢耐永思陵乙丑金遣烏林答天益來弔祭遣湯碩等往報謝夏四月丙戌耐主太廟五月丙子四川都大茶馬提舉丁逢入對論元祐建中調停之弊除爲軍器監一意禁絕偽學秋七

月辛酉葉翥罷八月庚辰白氣亘天丙戌太上皇聖躬康復率羣臣上壽尋不克行九月壬寅太白晝見癸卯經天丁未頒慶元重修勅令格式造新曆成賜名統天五年春正月侂胄專政太祖廟楹生芝壬戌建玉堂夏五月戊戌賜進士曾從龍以下及第出身戊申久雨臨安疫命振恤之壬子詔沿邊諸州武舉取士在內諸路州學置武士齋選官按武藝六月有盜竊太廟金寶秋七月劉德秀有罪免八月辛巳率羣臣詣壽康宮上壽成禮而還甲申中外奉表稱賀冬十月庚申朔陳自強上政目三十事十二月庚午命廣東諸州建安仁宅惠濟倉庫給士大夫死不能歸者是歲饒信江撫嚴衢台七州建昌興國軍廣東諸州皆水振之六年春正月侂胄專政己卯率羣臣上聖安壽仁及太上玉牒并聖政日曆會要於壽康宮三月辛未帝從皇太后幸聚景園夏五月丙辰旱避殿求言壬申雨有慶元寬恤詔令役法撮要六月乙酉朔日食丁亥太上皇后李氏違豫赦戊子崩遣吳玠使金告哀秋七月己未初御後殿八月庚寅太上皇違豫赦辛卯崩於壽康宮喪服仍日易月遣李寅仲使金告哀乙未日中有黑子九月己巳命謝深甫朝獻景靈宮不豐朝享太廟辛未上親祀明堂大赦丙子遣使金致遺留物冬十月辛丑雨十一月己未皇后韓氏崩癸亥子增生未逾月妖丙寅東北地震上大行太上皇諡十二月辛卯攢永崇陵己亥金烏古論誼來弔祭遣虞儔往報謝癸卯祔神主太廟以葛邲配享詔改明年元乙巳黑子滅獨臨安紹興民緣攢官役者賦是歲建寧府徽嚴衢婺饒信南劔七州水建康府常潤揚楚通泰和七州江陰軍旱振之

嘉泰元年春正月侂冑專政壬戌謝浚甫等薦士詔中書籍名
 以待選擢丙子金完顏充來弔祭遣俞烈往報謝二月戊子詔
 求明曆之士甲午詔修光宗實錄乙未續修吏部七司法己亥
 四川初試教官辛丑雨土三月丙寅至己巳連雨雹戊寅臨安
 大火四日乃滅夏四月壬午避殿減膳下詔自責令密院覈禁
 衛班直及諸軍營柵焚燬之數臨安府察姦民縱火者治以軍
 法內降錢米賑被災之家葬其死亡辛卯龍州蕃部寇邊官軍
 討之詔以風俗侈靡災後營造務遵法制內出銷金鋪翠焚之
 通衢禁民服用丁酉御殿復膳戊戌以潛邸為開元宮五月戊
 午旱禱於天地宗廟社稷詔諸司疎繫囚除茶鹽賞錢頒有司
 寬恤十有六條丙子雨丁丑雷雹六月丙午太白經天秋七月
 丁巳旱復行祈禱癸亥雨雹己巳復遣吳曦入蜀八月己卯減

奏薦恩九月己未雨土甲戌令禮官纂集孝宗朝典禮冬十月
 甲辰編光宗御集是歲賑浙西江東兩淮利路旱災仍蠲其賦
 真里富國獻馴象二 二年春正月侂冑專政以知閣門事蘇
 師旦兼樞密都承旨丁卯陳自强等上高宗實錄二月戊子頒
 治縣十二事以風厲縣令癸巳禁行私史夏四月庚寅大雨雹
 五月甲辰朔日食己巳賜進士傳行簡以下及第出身六月己
 卯臨安火壬午濬浙西運河秋七月癸亥旱釋諸路囚命有司
 行寬恤七條庚午禱於天地宗廟社稷復行寬恤四事八月丙
 子以吏部尚書袁說友同知樞密院事癸未建寶莫閣藏光宗
 御集甲午浚甫等上慶元條法事類命頒之九月甲寅修皇帝
 會要壬戌奉安光宗慈懿神御於景靈宮萬壽觀庚午臨安野
 蠶成繭冬十一月甲辰始御正殿丁巳右文殿楹生芝十二月

甲申立貴妃楊氏爲皇后庚寅大閱閏月丁未詔講官隨事開
陳經義乙卯子垕生未逾月歿是歲福汀劍寧瀘水邵州旱賑
之三年春正月侂胄專政壬午置湖南谿洞總首戊子龍州
蕃部復寇邊遣官軍討之戊戌幸太學謁孔廟御化原堂命祭
酒李寅仲講尚書周官篇遂幸武學謁武成殿監學官進秩推
恩諸生賜帛有差二月乙巳袁說友參知政事翰林學士傅伯
燾簽書樞密院事以老疾辭二月乙巳吏部尚書費士寅代之
三月丁丑久雨決繫囚乙酉幸聚景園夏四月己亥劾日食壬
寅福州獻瑞麥乙卯陳白強等上徽宗玉牒孝光二朝實錄五
月庚辰旱釋囚癸未詔修三朝正史寶訓命有司搜訪舊聞來
上以書進者賞之六月癸亥太白經天秋七月壬午白虹貫日
八月丙辰白強等上皇帝會要九月庚午袁說友罷已丑詔南
郊加祀感生帝太子度星未星冬十月癸卯以貴士寅參知政
事華文閣學士知鎮江府張孝伯同知樞密院事丙午命兩淮
諸州教閱民兵萬弩手戊申龍州蕃部出降十一月壬申加上
光宗諡循道憲仁明功茂德溫文順武聖哲慈孝皇帝癸酉朝
獻景靈宮甲戌饗太廟乙亥祀圜丘大赦庚寅復置福州居養
院命諸路提舉常平司主之時金國多難侂胄思立奇功以爲
不拔之計十二月命張巖淮東宇文紹節淮西皆爲安撫使李
奕荆鄂副都統兼知襄陽徙辛棄疾守京口起趙彥逾守四明
丘富守金陵兼以襄陽鄭挺侍御史鄧友龍附和其說邊釁之
開蓋始於此四年春正月棄疾入見首言金必亂亡願付大
臣備兵以爲倉猝應變之計侂胄大喜壬辰瓊州西浮洞逃軍
作亂寇掠文昌縣遣兵討平之二月庚申夜有赤氣亘天三月

丁卯火迫太廟權奉神主於景靈宮己巳避正殿下詔罪己命
振焚室修太廟百官疏陳闕失庚寅復御正殿夏四月甲午朔
命內外諸軍詳度純隊法乙巳士寅知樞密院事孝伯參知政
事五月乙亥詔諸軍主帥各舉將材六月丙申置諸軍帳前雄
幼補以襲廕子孫丁巳增廬州所招強勇軍千人秋七月甲子
旱戊子命諸路措置保伍法八月乙亥自強等上皇帝玉牒戊
午孝伯罷以張巖代之九月壬午遣鄧友龍使金賀正旦冬十
一月壬申白氣亘天庚辰修六合縣城十二月癸巳詔總核內
外財賦立考覈法自強兼國用使士寅巖同知國用事己亥詔
改明年元取開寶天禧之義仍欲風勵諸將乃立韓世忠廟於
鎮江封岳飛鄂王劉光世鄭王中興諸將畢以王矣

開禧元年春正月侂冑鏡意用兵癸酉初置澈浦軍習水戰

戰艦壬午雨霾二月癸巳奪徐安國三官三月庚申太白

見內出封樁庫金以待賞功命士寅鎮興元增招戰兵辭不赴
罷之夏四月戊子朔錢象祖參知政事劉德秀簽書樞密院事
辛卯轉李奕鎮江都統皇甫斌江陵副統中襄陽五月己巳賜
進士毛自知以下及第出身以其廷對策言嘗乘機以定中原
侂冑悅之故得首選甲申鎮江都統戚拱遣忠義人朱裕結弓
手李全復漣水縣金國偵知用兵命平章事僕散揆爲宣撫使
駐開封遣使來責渝盟六月辛卯詔內外諸軍密爲行軍之計
戊戌命諸路安撫使教閱禁軍湖北增招神勁軍己亥遣李壁
賀金主生辰還奏乞斬朱裕梟首境上辛丑金復取漣水軍淮
東安撫鄭挺坐擅納北人牛真奪官金聞之復弛備罷宣撫王
寅天鳴有聲己巳熒惑犯右執法諫議大夫李大異諫止開邊

罷言職秋七月己卯上高宗御集八月丙戌朔旱決繫囚蠲兩
 浙州縣賦賞錢癸巳雨乙巳以郭倪為鎮江都統置殿前司神
 武軍五千人守揚州閏月戊寅上欽宗玉牒憲聖慈烈皇后聖
 德事迹九月丁亥劉德秀罷丁未欲審敵虛實遣陳景俊往賀
 正旦冬十二月復置和州馬監增刺馬軍司弩手戊寅金賀正
 趙之傑入見以其禮倨請帝還內更伺正旦朝見著作郎朱質
 請斬之不報祇奪館伴以下官是歲真里富國獻瑞象江浙福
 建兩廣諸州旱兩淮京西湖北諸州水漲之二年春正月辛
 丑侂胄專政更名國用司曰參計所己酉大雷雨雹二月癸丑
 壽慈宮火太皇太后移居大內車駕月四朝乙卯避殿徹樂丁
 巳久雨決繫囚己卯復御正殿三月甲午頒開禧重修七司法
 己亥從太皇太后幸聚景園丁酉以伐金告於天地宗廟社稷

并詔四方己酉知處州徐邦憲入見請立太子因肆赦以罪
 侍御史徐枬劾罷之景俊還傳金主意謂不宜自敗盟好恐皇
 帝未知陳自强戒勿言用兵益決夏四月甲子拜薛叔似湖北
 京西鄧友龍兩淮皆宣撫使吳曦兼陝西河東郭倪兼山東京
 東鄂州都統趙淳兼京西北路皆招撫使皇甫斌副之金復以
 僕散揆完顏匡為左右元帥會兵於汴丁丑鎮江都統陳孝廣
 復泗州江州統制許進復新息縣戊寅光州忠義孫成復褒信
 縣五月辛巳朔孝廣復虹縣建康都統田彬復壽春府賞功曲
 赦蠲租丙戌江州都統王大節攻蔡州不克軍潰丁亥皇甫斌
 引兵攻唐州不勝興元都統秦世輔出師至城固縣軍大亂甲
 午池州副統郭倬馬軍司李汝翼會兵攻宿州又敗壬寅太白
 晝見六月癸丑建康都統李爽攻壽州敗績侂胄聞諸軍敗始

覺爲師巨所誤奏劾除名安置籍沒其家甲寅罷鄧友龍奪官
竄興化軍仍轉丘密江淮宣撫督視軍馬至揚州部署諸將悉
三衙軍分守要害秋七月辛巳復紹興邊郡賞格八月丙寅有
司上開禧刑名斷例壬申增御前強勇軍以淮東安撫司所招
充之九月壬午金兵分道來攻蒲察貞取和尚原入西和州紇
石烈執中自清河口渡淮圍楚州巳丑朝獻景靈宮庚寅饗太
廟辛卯合祭明堂大赦冬十一月庚辰命郭杲駐真州以援兩
淮辛巳完顏匡破棗陽軍甲申金人犯神馬坡江陵副統魏友
諒突圍趨襄陽戊子犯廬州田琳拒退之朝廷大震乙未避殿
減膳命湖廣總領陳謙爲湖北京西宣撫副使丙申金人去廬
州丁酉犯舊岷州守將王喜遁戊戌圍和州守將周虎拒之又
破信陽軍辛丑圍襄陽壬寅破隨州癸丑太皇太后賜犒軍錢
百萬詔諸路招填禁軍以待調遣甲辰紇石烈子仁入真州自
是濠州安豐並邊諸屯皆破十二月戊申完顏匡圍德安府守
將李師尹拒之庚戌破成州守臣辛慆之遁吳曦反焚河池縣
退屯青野原癸丑金人去和州攻六合縣郭倪遣前軍統制郭
僕救之遇於胥浦橋大敗倪棄揚州走丁巳又破大散關曦屯
興州戊午熒惑守太微癸亥魏友諒軍潰於花泉走江陵丁卯
犯七方關興州中軍正將李好義拒郤之戊辰密遣使如金師
議和僕散揆許之自淮南退師留一軍據濠州巳巳謫郭倪棗
州副團練竄南康軍庚午罷叔似陳謙轉吳玠爲宣撫使癸酉
曦自稱蜀王甲戌擢畢再遇鎮江都統權山東京東招撫司公
事斬郭倬奪王大節李汝翼皇甫斌李爽官除名編竄遠州是
歲雅州蠻高吟師寇邊官軍戰不利調御前大軍討降之蒙古

奇渥温鐵木真稱帝於斡難河滅乃蠻禽益祿可汗以歸 三
年春正月癸未金人破階州丁亥子圻生逾月復天甲午曦僭
位甲辰罷陳孝廣奪三官二月壬子金師退御殿復膳甲寅罷
水軍統制福建總管商榮官爵放於柳州己未程松逃歸以楊
輔爲四川沿江制置使葉適兼江淮制置使戊辰子堦坐踰兩
月妖庚午四川轉運安丙監倉楊巨源與好義等共譏寔曦露
布以聞獻馘廟社梟之於市併誅妻子徙家屬嶺南三月丙子
朔以蜀平曲赦四川兩淮京西湖北罪囚并蠲役錢租賦壬辰
興州將劉昌國引兵至階州金人退去癸巳好義復西和州丁
酉張林李簡復成州忠義統領張翼復鳳州庚子賞功擢輔四
川宣撫使丙副之夏四月孫忠銳復大散關己未遣方信孺使
金國通謝議和壬戌詔吳玠兼四川宣議與輔議改興州爲沔
州分都統司軍爲十以其半屯利州置都副統制以李好義爲
之癸酉金復破大散關五月除曦黨張仲之等十六人名編配
兩廣湖南諸州辛卯太皇太后有疾肆赦是日崩六月癸亥遣
富瑄使金告哀秋八月己巳上大行太皇太后諡九月丁丑詔
諸帥臣和議未就中倣邊備辛卯擢趙淳殿前副都指揮使以
代葉適辛丑遣王桷持書赴金帥府壬寅禱主太廟冬十月丙
午更殿前司純隊法乙卯復珍州遵義軍十一月甲戌奪侂胄
官罷陳自強乙亥禮部侍郎史彌遠謀誅侂胄越五日始詔天
下賞夏震福州觀察使將士加賚有差己卯詔中外臣僚各具
所見以聞丙戌中丞衛涇簽書樞密院事己亥大赦十二月癸
卯遣許奕使金通問癸丑金人復破隨州辛酉衛涇及給事中
雷孝友並參知政事丁卯改明年元是歲浙西旱蝗沿江諸州

水除郭倪郭僕名竄遠州奪李壁張巖許及之薛叔似官安置
諸州再貶鄧友龍皇甫斌除名徙循州并英德府皆侂冑黨也
冊曰慶元不君政在權臣內奸正學外動強鄰流毒淮甸
取怨縉紳至今吾道益遠益新姦邪自賊以滅其身

嘉定元年春正月戊寅從右諫議大夫葉時等請諡臨安府斷
侂冑棺梟首兩淮以謝天下辛巳下詔求言二月戊申除蔡璉
名配贛州牢城命史官改紹熙以來侂冑事迹戊午柳州黑風
峒寇羅世傳作亂招降之三月癸酉罪毛自知首諭用兵阿附
奪其恩例仍下詔戒飭內外羣臣是春子埊生踰月復歿閏
四月辛未置拘權安邊錢物所壬申雨雹辛卯旱蝗禱於天地
宗廟社稷癸巳減常膳蠲兩浙逋賦命諸司夾繫囚丙申幸太
乙宮明慶寺禱雨五月辛酉賜進士鄭自成以下及第出身丁

卯詔侍從臺諫疏奏闕政監司守令條上民間利害六月庚午
金人歸大散關辛未歸濠州乙亥衛涇罷秋八月丙戌詔侍郎
許奕舍人曾從龍攷訂監司守令所陳民間利害擇可行者以
聞其未上者趣之九月辛丑和議復成金使完顏侃齋字天見
己未詔諭天下冬十月丙子雷孝友權知樞密院事十一月丙
辰金主璟殂子允濟立遣曾從龍弔祭宇文紹彭賀新卽位十
二月庚午四川初行當五大錢已卯黎州蠻畜十寇邊是歲發
米二十萬石及出安邊所錢一百萬緡命江淮制司糶糴以賑
流民仍貸二稅汰雄淮軍歸農揀刺淮東八千餘人以補鎮江
及武鋒軍之闕淮西二萬六千以爲御前定武軍二年春正
月庚子詔內外有司疏陳節用之事劾貪殘者丁巳以中丞章
良能同知樞密院事二月壬午會子折閱日甚詔廷臣各疏稱

提之策丁亥罷法科試經義復六塲舊法三月丙申雨雹臨安
大疫賜病者藥及棺費夏四月戊辰汰廬濠二州忠義歸農五
月丙申彌遠起復獨任爲相戊戌武訓郎羅日愿謀爲變伏誅
六月戊辰奉安成肅皇后神御於景靈宮舉行寬恤之政五條
命江西福建二廣豐稔之處糴運以給臨安仍償其糶秋八月
甲子聽兩淮沿江諸司行鐵錢己丑罷四川宣撫司以安丙爲
制置大使甲戌皇太子受冊丁丑謁太廟九月己亥朝獻景靈
宮庚子享太廟辛丑合祭明堂大赦冬十一月辛卯謝河州統
制張林等謀亂事覺貸死除名羈置廣南黑風峒寇李元礪復
作亂連破諸縣詔遣荆鄂江池四州軍討之十一月甲子四川
制司調官軍討黎州蠻敗績是歲蒙古侵金諸路旱督州縣捕
蝗揚楚衡郴吉五州南安軍盜起 三年春正月彌遠專收甲

辰下詔招諭羣盜并戒飭監司郡守丙午雨土二月辛酉黎州
蠻復寇邊壬午以工部侍郎王居安知隆興府湖南運判曹彥
約知潭州督捕峒寇三月甲寅誅楚州渠賊胡海丙辰久雨兩
浙衢巖大水釋繫囚賑貧乏蠲逋賦夏四月癸亥李元礪犯南
雄州官軍大敗五月乙未淮東賊悉平詔寬恤殘破州縣甲辰
命兩省擇去歲應詔封事可行者以聞乙巳詔沿海諸州督捕
海寇庚戌以江陵忠勇軍隸御前六月丁巳朔日食壬辰頒寬
恤十有九條命有司舉行己卯詔三衙江上四川諸帥核實軍
籍欺冒者以賊論是月池州副統許俊江州副統劉元鼎與元
礪戰皆不利曹彥約亦爲所敗賊勢愈熾秋七月臨安府蝗出
內帑錢賜軍民冬十一月癸巳賞楚州平賊功十二月丙寅湖
南賊羅世傳縛元礪以降峒寇悉平辛巳黎州蠻請降 四年

春正月彌遠專政乙丑叙州蠻寇邊攻陷嘉定府利店砦二月
乙卯元礪伏誅壬戌賞平峒寇功授世傳通直郎尋復叛爲其
黨所殺閏月辛亥罪諸路帥臣監司守令格廢振恤之令及盜
發不卽捕者三月臨安大火遷神主壽慈宮三日火滅始還太
廟丙子沔州將劉世雄等謀亂據仙人原伏誅夏四月國子司
業劉鑰乞開僞學禁刊朱熹四書於太學己丑以吳曦沒官田
租代輸關外四川旱傷秋稅丙午賜黑風峒名曰效忠置安邊
司以經制蠻事命成都路提刑李堯漳州路安撫許奕共領之
五月乙亥賜進士趙建大以下及第出身六月辛丑更定四川
諸軍額秋七月壬戌太白晝見丙寅詔四川官吏嘗受僞命及
附會開邊者毋得叙用了壯聽凡軍興以來冒濫爵賞自陳除
罪冬十月中辰詔江淮京湖四川諸制置司金方與蒙古交兵
各謹邊備十一月乙酉朔日食十二月辛巳奉議郎張鉉坐扇
搖國本除名象州羈管癸未以會子折閱不行遣官體訪江浙
諸州是歲金以國難賀生辰使不至及遣使亦不至而還五
年春正月彌遠專政己巳詔諸路通行兩浙倍役法著爲令二
月壬午罷兩淮軍興以來借補官三月庚戌四川置司遣兵分
道討叙州蠻其酋米在請降戊辰久雨決繫囚甲戌廣東湖南
京西盜平監司帥臣進職有差夏五月癸酉安南國王李龍翰
卒其子吳崑嗣遣使弔祭六月乙酉禁銅錢過江秋七月庚申
賞降叙州蠻功戊辰雷雨太廟屋毀避殿減膳八月甲戌朔御
後殿復膳九月己酉有司上續編中興禮書庚戌遵義砦夸楊
煥來獻馬冬十月辛巳詔諸路總領安撫提刑歲舉堪任將帥
各以名聞戊戌雷十一月庚申朝獻景靈宮辛酉享太廟壬戌

合祀園丘大赦十二月收兌第五界舊會六年春正月彌遠
專政庚申詔舉實材二月丙戌有司上嘉定編修吏部條法總
類三月故遼裔耶律留哥取金遼東郡自立爲遼王夏四月丙
子章良能參知政事甲午復法科試經義法雜流人不預五月
丁卯旱命決繫囚戊辰修慶元六年以來寬恤詔令六月乙亥
詔刑部歲終上諸州未決之獄最久者罪之八月己巳朔詔諸
路監司帥臣舉所部官吏才行卓絕績用章著者庚午知思州
田宗範謀作亂夔州安撫遣兵討平之金紇石烈執中弑其主
允濟而立昇王珣來告九月丙戌命四川謹邊備甲午彌遠等
上三祖下七世仙源類譜及高宗寶訓皇帝玉牒會要丙申下
罪已詔冬十一月癸未虛恨蠻寇嘉定府中鎮若是歲金遣賀
正使來三遣使金俱不至兩浙諸州水湖北旱命有司賑恤

七年春正月彌遠專政安丙遣何九齡合官軍與金人戰於秦
州敗績王大才斬九齡以其事聞時蒙古強盛於燕雲置行省
命大臣撒沒曷領其事甲戌遣人夜至濠州抵鍾離北岸賁文
并地圖一冊納地請兵守臣以不奉朝旨却之丁丑章良能卒
乙未黎州蠻十籠十二骨降三月丁卯拜安丙成都府路安撫
董居誼轉制置使庚辰金國來督二年歲幣及止賀正使夏四
月癸丑馬樵襲殺虛恨蠻庫崖等五月乙酉賜進士袁甫以下
及第出身六月辛丑旱命諸路禱雨決滯訟蠲諸州賊賞錢丁
巳置嘉定府邊丁二千以備蠻秋七月甲子朔左諫議大夫鄭
昭先簽書樞密院兼權參知政事乙亥金人告遷南京復督歲
幣起居舍人真德秀請罷之董居誼初至四川夏人以書來議
夾攻金人不報八月癸卯復建宗學置博士學諭各一人弟子

引簡錄 卷九十六 其
員百人九月壬戌朔日食太白晝見乙丑彌遠等上高宗中興
經武要畧戊寅調殿前司兵增戍天長縣丙戌雨釋囚庚寅悉
除兩浙茶鹽賞錢冬十月壬辰朔出內幣賑臨安貧民十一月
丙戌命發浙東常平賑災傷州縣十二月金灘州紅襖賊李金
寇掠山東 八年春正月彌遠專政詔舉將材二月丙午雷孝
友罷己未雨土三月乙亥旱避殿減膳命釋繫囚辛巳應制科
何致坐以妄造事端熒惑眾聽配廣西牢城夏五月辛未雨辛
巳御殿復膳是月蒙古破金燕京火月餘不滅六月丙辰諭兩
浙江淮民雜種粟麥麻豆有司毋收其賦田主毋責其租秋七
月辛酉鄭昭先參知政事丙子發米賑糶江東西民八月己丑
蘭州盜程彥暉求內附董居誼却之九月己巳朝獻景靈宮庚
午饗太廟辛未合祭明堂大赦是歲金國勢蹙蒙古并羣盜殘

破兩河有南窺淮漢之謀真德秀上備邊五事願以崇宣爲令
日鑿 九年春正月彌遠專政二月甲申朔日食辛亥東西兩
川地震三月乙卯及甲子連震馬湖沱界山崩八十里江水不
通丁卯壬申又震夏四月戊戌秦州唐進與其徒何進等引眾
十萬來歸董居誼拒却之六月辛卯壬辰至乙未西川地連震
黎州山崩秋七月戊申詔邊縣須才選擇不拘常法仍許起復
其餘並遵三年之制冬十月癸亥甲子西川地又震十一月癸
卯程彥暉攻圍鞏州迫及川界命利州副都統劉昌祖移駐西
和州以備之十二月遷天水軍於舊天水縣置知軍以下官
十年春正月彌遠專政辛巳雷癸巳雨土乙未大風拔木二月
庚申地震陳伯震使金賀正且還奏金主語乃詔江淮制使李
珣京湖趙方四川董居誼各聽便宜行事酌量緩急措置調遣

夏四月金遣烏古論慶壽完顏賽不分道南侵犯光州中渡鎮
執殺權塲官盛允升戊申犯樊城江陵副統王守中拒之闡棗
陽光化軍趙方遣統制扈再興鈐轄孟宗政赴救金人敗走辛
酉至光山安昌砦廬州鈐轄王辛殺其統軍完顏掩金兵遁去
和好遂絕五月甲申賜進士吳潛以下及第出身癸卯下詔伐
金激厲將士募京西忠義人進討令方傳檄招諭中原官吏軍
民六月辛未東川大水秋七月丙子朔日食知楚州應純之使
高忠皎沈鐸圍金泗州靈壁東海確山等縣奏闡定遠民季先
道山東豪傑願歸正之意甲申雅州蠻焚碉門砦遣兵討之八
月乙丑詔舉將才冬十一月甲申詔浙東提舉司發米賑給貧
民十二月戊申軍興募民納粟補官癸亥金鳳翔統軍完顏贊
犯四川迫湫池堡破天水軍守臣黃炎孫遁遂破白環堡庚午

迫黃牛堡入大散關統制劉維棄去是歲太白凡兩晝見經天
夏水秋旱各釋繫囚十一年春正月彌遠專政壬午李全率
衆來歸勅李珣令慰接之壬辰利州將麻仲率忠義人焚秦州
永寧砦詔准給賞與官軍同丁酉犯隔茅關興元都統李貴遁
官軍大潰二月甲辰金人焚大散關而去大才馬蹶死於河池
丙午金阿鄰破皂郊堡王師與戰勝負半之死者五萬戊申金
賽不圍隨州棗陽軍遊騎至漢上均州守臣應謙之棄城走丙
辰白虹貫日楚州鈐轄梁昭祖焚金糧舟於大清河京東忠義
副統沈鐸遣兵助之三月丁丑金焚湫池堡而去戊子利州統
制王逸率忠義人復皂郊金統軍完顏贊包長壽遁去沔州軍
士郭雄追斬贊長壽僅以身免辛卯忠義人十萬餘出攻秦州
官軍繼進至赤谷口沔州都統劉昌祖令王逸傳命退師且放

散忠義人軍遂潰癸巳長壽合長安鳳翔之衆復攻皂郊戊戌
入西和州昌祖暨守臣楊克家焚城棄去夏四月甲辰連破階
成州守臣羅仲甲侯頤咸遁戊午復犯大散關守將王立遁興
元都統吳政拒退之執斬王立軍聲大振是月鎮江忠義統制
彭惟城等敗於泗州五月癸未蚩尤旗見其長竟天丁亥詔侍
從臺諫兩省官集議平戎禦戎和戎三策六月金黃相阿魯答
襲敗李全於莒州秋七月乙酉修孝宗寶訓九月巳卯朝獻景
靈宮庚辰享太廟辛巳合祭明堂大赦丙申賞吳政張成功各
進三官罪黃炎孫劉昌祖羅仲甲楊克家侯頤各奪官安置諸
州冬十月李全復密州獲黃相阿魯答來谷寺家奴壬戌修盱
眙城十一月壬申金人攻安豐軍之黃口灘十二月陝西張羽
來歸金使占子羽來求成至淮不納而去是歲戶部獻境內民
戶一千一百六十六萬九千六百八十四口二千八百三十
七萬七千四百四十二年春正月彌遠專政名董居誼還
以利州安撫聶子述代之庚辰金復分兵大入其犯西和成鳳
者守將石宜拒之於湫池堡董照拒之於白環堡趙彥呐殲之
於西和州吳政拒之於黃牛堡大戰死之河池守將張斌鳳州
守臣雷雲各棄城遁鳳州民與金巷戰乃奪其城金乘勝入武
休關破興元府權府事趙希哲及李貴董居誼各遁遂破大安
軍守臣李文子棄去犯洋州守臣蔡晉卿拒之不克張威遣石
宣等邀擊大破獲其將巴上魯安金遂遁去追奪棄城等官贈
吳政右武大夫忠州刺史其犯隨州棗陽者京西諸將拒之於
信陽軍建康都統許俊却之於安豐軍又攻光州光化軍破鄖
山縣進逼均州趙方遣扈再興救之不克復遣再興引兵三萬

出攻鄧州隨州忠義統領劉世興與鄂州統制劉世榮會兵攻唐州金人去復圍安豐軍滁濠光三州李珣命池州都統武師道忠義軍統制陳孝忠救之皆不克金遂分兵犯麻城和滁及全椒來安天長六合淮南民渡江避亂諸城悉閉金遊騎至東采石楊林渡建康大震李全及季先各引兵來援金始解去二月戊戌朔太白晝見巴西遣殿前司八千兵防捍江西乙丑夏人復以書來議夾攻金人利州安撫丁煇許之三月己巳以鄭昭先知樞密院事兼權參知政事乙亥興元卒權興等作亂犯巴州守臣秦季懋棄城去丁亥降之秋七月丙申張福莫簡作亂伏誅竄董居誼永州賞安丙功加少保癸亥李全引兵至齊州知州王贊以城降遂引兵東張林來歸九月丙午以寶文閣待制李大東爲沿江制置使罷江淮制置各置主管公事命淮南運判趙善湘任淮西提刑賈涉任淮東兼節制京東河北軍馬十二月丁丑雅州蠻入廬山縣焚禰門砦邊丁大敗金復犯鳳州之長橋己丑趙方扈再興等引兵六萬分三道出境以伐金是歲金人招諭李全不聽工部尚書胡榘欲與金議和太學生何處恬伏闕請誅之十三年春正月彌遠專政丁酉扈再興圍鄧州金人救之孟宗政捷於湖陽獲趙興兒鄂州都統許國攻唐州不克而還金人追之遂寇樊城趙方督諸將拒退之三月辛卯朔雨土丁巳黎州土丁叛遣兵討降之夏四月賈涉招諭山東兩河豪傑勸以來歸五月庚寅朔雅州蠻降戊戌彌遠等上玉牒及三祖下第七世宗藩慶系錄六月癸酉賜進士劉涓以下及第出身秋七月戊戌以京東河北諸州守臣空名官告付本節制司以待豪傑之來歸者八月金嚴實以魏博

恩德懷衛開相等郡來歸李全會張林襲金東平敗績而還林復侵滄州金王福以城降癸亥皇太子詢薨壬申安丙遣夏人書定議夾攻金人癸未傳檄陝西五路招諭官吏軍民甲申復海州以將作監丞徐晞稷知州事九月辛卯夏人引兵圍鞏州且來趣師甲午命諸將分道進兵利州統制王仕信發宕昌撫司統制質俊李實發下城沔州都統張威出天水利州副統程信出長道興元副統陳立出大散關撫司都統田胄出子午谷金州副統陳昱出上津庚子質俊等克來遠鎮進攻定邊城金人來救擊破之辛丑仕信克鹽川鎮乙巳程信及仕信引兵會夏人於鞏州攻城不克庚戌金復犯皂郊堡沔州統制董照等與戰大敗壬子程信引兵趨秦州丙辰夏人自安遠鎮退師冬十月丁巳朔信復邀夏人共攻秦州夏人不從遂自伏羌城引

諸將皆罷兵戊寅以逗留斬王仕信罷張威軍職十一月詔刊正皇帝日曆蒙古入金濟南府嚴實復降壬子臨安府火十二月壬申石珪張林復叛入於蒙古十四年春正月丙戌朔大雪乙未雷地震二月戊辰金圍光州己巳犯五關壬申治舟於團風弗克濟遂圍黃州知州何大節棄城遁州陷自沉於江金兵分破諸縣及漢陽軍甲申詔淮東京湖諸路趣援蘄黃沿江制司防守江面三月丙戌朔鄂州副統扈再興引所部趣蘄州庚寅長星見己亥蘄州陷知州李誠之死之癸丑金人退師再興邀擊於天長鎮連敗之夏四月戊辰金北渡淮李全遣兵追擊又敗之殲其大半五月甲申朔日食壬辰彌遠等上孝宗寶訓并今上會要丙申西川地震乙巳頒慶元寬恤詔令六月丙寅立貴和為皇子賜名竑丁卯告於天地宗廟社稷乙亥

彌遠更謀補貴和弟與莒秉義郎爲右監門衛大將軍賜名貴
誠丙子降德音減臨安囚罪釋杖以下秋七月丁亥鎮江副統
翟朝宗於金師中得皇帝恭膺天命之寶來獻詔禮官議受寶
儀制以聞丁未修光宗寶訓八月壬戌給事中俞應符簽書院
事九月癸未立貴誠爲沂王後己丑朝獻景靈宮庚寅饗太廟
辛卯合祭明堂大赦冬十月癸丑復滄州以趙澤知州事兼河
北東路鈐轄甲寅復以齊州爲濟南府兗州爲襲慶府丙寅夏
人復以書來趣四川會兵十二月庚申鄭昭先罷閏月辛巳朔
俞應符兼參知政事是歲始遣使於蒙古通好蒙古亦遣使葛
合赤孫來計事十五年春正月庚戌朔御大慶殿受寶大赦
文武各進秩犒賞諸軍夏五月壬戌知濟南府和贊等伐清州
張林敗走之己巳修孝宗經武要畧六月辛卯俞應符卒秋八
月甲午彗星出氏九月彭義斌帥師復京東州縣金將晁海以
青崖降辛亥給事中程卓同知樞密院事壬戌彗星沒冬十月
丙子犒賞收復京東河北忠義十一月壬午肆赦十六年春
正月己酉子坻生踰月復妖二月戊子雨土三月戊申張林所
部邢德來歸詔進二官復以爲京東路副總管夏五月戊申賜
進士蔣重珍以下及第出身六月丁酉程卓卒秋八月李全率
師會金納合大哥於邳州不克進乃還九月庚子朔日食冬十
月乙卯雷十二月癸未金主珣殂太子守緒立是歲賑江淮太
平山東道州饑民命兩淮總領及沿江被水州軍募民入米補
官十七年春正月彌遠專政補孔元用通直郎錄程願後三
月癸丑雪金人引還夏四月乙未賜李全彭義斌犒賞戰士錢
三十萬緡五月戊戌覈實兩淮京湖四川江上諸軍之數六月

丁卯朔太白經天晝見金使李唐英來輸平壬辰大名府蘇椿等舉城來歸詔悉補官卽以知大名府秋八月丙戌帝不豫閏月丁酉崩於福寧殿在位三十年壽五十七諡曰法天備道純德茂功仁文哲武恭孝皇帝廟號寧宗

帝柔而不明姦邪得志忠正屏黜權臣交肆前有韓侂胄後有史彌遠中更吳曦悖叛至其末年金人擾亂蒙古又起江南震懼國勢以危雖有謙恭小善不足稱也然宋自太祖至於仁宗四傳而享國百年邵雍稱爲前代所無及南渡至寧宗亦四傳而享國九十有八年亦豈偶然也哉

冊曰國本屢移權姦無忌神器轉遷有同兒戲宋祚將終莫能自遂

弘簡錄卷九十六 終

弘簡錄卷九十七

明刑部員外郎仁和弘齋邵經邦學

皇清翰林院侍講學士四世孫遠平校閱

天王 宋一之十四

理宗皇帝諱昀太祖十世孫高祖子奭曾祖伯玕祖師意父希璪母全氏以開禧元年正月癸亥生於紹興山陰之虹橋里第前一夕父夢紫衣金帽人來謁比寤室中五采爛然赤光屬天如日正中旣誕家人聞戶外車馬聲三日不絕亟出無所睹幼嘗晝寢人忽見其身隱隱如龍鱗時寧宗在位久屢生子皆不育選擇昭穆相當遂與兄竑皆入禁中教育如高宗故事竑爲皇子更以帝嗣沂王授臬州團練邵州防禦使素性凝重寡言潔修好學每朝隨衆待漏或多笑語獨儼然自持出入殿庭矩

度有常見者歛容丞相彌遠深所屬意立爲皇子賜名授武
泰軍節度使封成國公崩日楊皇后矯稱遺旨命嗣皇帝位大
赦尊后曰皇太后同聽政出前皇子竑居湖州癸亥詔於宮中
服三年喪九月乙亥首獎老儒徵傅伯成楊簡柴中行等戊寅
追封父榮王母榮國夫人以弟與芮襲封奉祀封開國子加食
邑巳卯皇太后與帝並御便殿垂簾授先聖孫行可迪功郎以
真德秀及侍郎程秘葛洪權吏禮工三部尚書並兼侍讀起居
郎喬行簡宗正少卿陳貴誼軍器監王暨兼侍講辛卯祀明堂
大赦冬十一月甲子右正言糜溧進新政切要畏天愧親講學
仁民一以孝宗爲法上嘉納癸未立生日爲大基節丁亥改明
年元十二月癸丑開經筵從真德秀魏了翁言詔賜周敦頤
載程顥程頤官爵并與定諡


寶慶元年春正月壬戌朔彌遠專政殺濟王竑巳丑上寧宗諡
號冊寶三月甲午李全反焚楚州制使許國走死代以徐希稷
命撫之三月癸酉攢永茂陵免役者稅夏四月辛卯朔祈廟丁
酉皇太后手書多病免垂簾聽政五月甲子詔內外大小羣臣
於國政有所見聞封章來上毋或有隱秋七月乙酉詔行大宋
元寶錢八月壬寅獎直言進司農丞姚子才秘書郎癸卯詔旌
廉吏以知袁州趙致夫直秘閣提點福建刑獄巳酉地震九月
丙寅著作佐郎陶崇上保業慎獨謹微持久四事帝嘉納之冬
十一月癸亥升邵州潛藩爲寶慶府筠州與御名相近改瑞州
壬午給諸軍雪寒錢十二月戶部上兩浙路戶一百九十七萬
五千九百九十六口二百八十二萬二千三十二福建路戶
百七十萬四千一百八十六口三百五十五萬三千七十九

二年春正月彌遠專政二月建昭勲崇德閣圖國初及近代功臣起趙普至趙汝愚凡二十四人三月癸酉久雨詔蠲榷酒所贓賞等錢夏六月丙申御後殿賜進士王會龍以下及第出身壬寅襲封孔萬春衍聖公秋七月戊寅雷電晝晦遂安休寧兩縣界山裂洪水壞公宇民居田疇冬十月甲申置寶章閣藏寧宗御集設學士待制等官辛亥改湖州爲安吉十一月丙辰始御紫宸殿丙子日南至上朝慈明殿十二月癸卯親享太廟三年春正月辛亥朔彌遠專政時上勵志講學觀朱熹集計學庸語孟發揮聖賢蘊奧有補治道己巳工部侍郎朱在進對奏人主學問之要上曰先卿中庸序言之甚詳朕讀之不釋手恨不得與同時三月庚戌朔詔郡縣長吏勸農桑抑末作戒苛擾夏四月戊戌納夫人謝氏五月壬子詔復岳珂戶部侍郎淮東總領兼制置使閏月己卯朔詔憲司詳覆郡縣繫囚未經結錄輒行持判有歲月淹延者重寘於法蒙古滅夏以其主覲歸國亡六月戊申朔日食楚州忠義軍亂遂姚狝詔改爲淮安軍林七月蒙古還南八月丙子城太平州進知州綦奎中奉大夫冬十一月戊寅加上寧宗徽號聖睿二字奉冊寶於太廟辛巳日南至郊大赦改元十二月蒙古兵破關外諸隘四川制使鄭損逃歸遂入三關鐵木真死於六盤山以少子拖雷監國西和州陷知州陳寅等死之

紹定元年春正月丙子朔彌遠專政以桂如淵爲四川制置使翟朝宗知揚州權准東制置司謹飭邊備以防蒙古夏六月壬寅朔日食冬十一月庚辰雷二年春正月彌遠專政夏五月辛巳賜進士黃朴以下及第出身秋八月蒙古窩闊台立九月

汀郡寇晏頭陀等嘯聚境上破寧化清流將樂諸邑迫近南劍
州詔起復知州陳韓諭降蓮城等七十二寨誅晏頭陀冬十一
月諭鄭損防遏海道三年春正月上飲宴過度適彌遠臥病
野相語曰陰陽旤理天地醉乾坤二月戊戌詔復汀贛吉
廷昌凡蠻獠竊發經擾郡縣賦稅一年閏月癸酉李全使逃卒
穆椿夜竊入皇城燒毀甲仗捕得磔之三月丁酉雨土夏四月
己卯漳州連城盜起五月犯邵武軍劉純等兵敗死之寇平立
廟以祀秋九月辛丑祀明堂夫赦冬十二月庚申錄孔氏孫燦
補官壬戌李全亂淮東兵官王青力戰死之贈右武大夫蘄州
防禦使時彌遠氣體未安詔十日一赴都堂治事丁卯冊立貴
妃謝氏爲皇后己卯皇太后出繡錢犒諸軍并振在京細民
四年春正月戊子彌遠專政壬寅諸將討李全伏誅夏四月

功進鄭清之趙善湘勳階趙范趙葵並中大夫右文殿修撰賜
紫章服金帶雄邊軍統制總轄范勝谷汝礪等各轉五官五月
范等復大敗餘黨全妻楊妙真奔於金淮安平六月己未叙復
魏了翁真德秀尤焞尤煊洪咨夔官職祠祿秋七月丁酉封賈
氏文安郡夫人八月己未蒙古兵破武休入興元攻仙人關遂
入大散關破鳳洋沔州畧地至西水縣陷城砦百四十而還辛
未進賈氏爲才人九月丙戌夜臨安大火延及太廟上素服視
朝減膳徹樂宰執彌遠清之薛極喬行簡各引咎納職庚子建
昌軍火冬十月戊午太常少卿度正國史編修李心傳疏言廟
制未合於古宜緣災異舉行詔兩省侍從臺諫集議以聞癸酉
蒙古兵破蜀口諸郡桂如淵逃歸戊寅以李璠代之利路安撫
安癸仲爲戶部郎中總領財賦十一月乙酉御前中軍統制張



宣戰青野原有功擢河州都統忠義總管復力戰歿贈武節大
夫忠州刺史加封立廟十二月金完顏合達遣劉天山至襄陽
乞師及粟制使陳駭不許而還桂如淵褫職罷祠五年春正
月己丑彌遠專政起復孟珙京西兵馬鈐轄屯棗陽庚寅檢舉
淮東檢法吳澄等前出城謁李全罪各追官勒停其不出見教
授高夢月劉賓雲循升二資海陵簿吳嘉罵賊而死特贈朝奉
郎官其一子壬寅新作大廟二月癸丑帝親謁之夏五月己丑
詔復宰執等元官辛卯積陰淫潦歷春徂夏官僚言都大坑冶
司魏峴誅求日增抑蘄州進士馮杰爲鑪戶妻妾子女相繼以
死弟大聲赴愬亦死杰乃自經帝怒詔罷其職秋七月攝順慶
承奉郎胡元琰能收散卒定居民論叛將以全闔郡特轉三資
丙戌贈監楚州大軍倉死難富起宗宣教郎官其一子同時被

害張煥轉官一資八月丁巳泗州路分劉虎副都統董琳焚斷
肝泗橋遏金兵乙丑賜進士徐元杰等及第出身甲戌新作玉
牒毀奉安累朝玉牒閏九月庚戌彗出於角宰執乞歸不允冬
十月戊子大赦金納合買住以盱眙來歸詔改爲招信軍十二
月丙子朔封賈氏貴妃辛巳皇太后不豫壬午崩羣臣七上表
始聽政外朝大典不敢輕改宮中喪服三年是歲與蒙古合兵
圍汴京金主奔歸德府再遣使議夾攻史嵩之令鄒仲之報謝
六年春正月彌遠專政二月丁丑上大行皇太后諡夏四月壬
寅耐永茂陵五月庚戌孟珙破走金武仙於順陽遂復鄧州守
將移刺瑗以城降秋七月珙復敗武仙於馬蹬山降其衆而還
八月拔唐州九月壬寅朔日食辛亥祀明堂大赦辛酉經筵官
請以御製敬天法祖事親齊家四十八條及緝熙殿記宣付史

節冬十月京西忠順統領江海領襄軍合蒙古兵圍蔡州丙戌彌遠有疾謝政以鄭清之代之乙未薨帝始親政十一月乙巳會從龍宣繒免奪梁成大祠祿罷莫澤李知孝官丙午改明年元己未賜真德秀魏了翁金帶起陳德剛福建制置使兼知福州戊辰洪咨夔王遂並為監察御史劾陳垓與祠袁韶鄭損奪職趙善湘有討李全功特寢其命十二月庚辰薛極胡榘聶子述趙汝述皆罷

端平元年春正月庚子朔求直言令近臣各舉監司守令三衙統軍舉堪為將帥者以鍾震陳公益李性傳張慮並兼侍讀徐清叟黃朴李大同葉味道並兼說書戊申金主守緒傳位於宗室承麟己酉蔡城破自經承麟為亂兵所殺史嵩之還師屯信陽露布告金亡遣郭春按循故壤詣奉先縣汎掃諸陵朱復之相度修奉命王旻守隨州王安國守棗陽蔣成守光化楊恢守均州並益兵餉備經理唐鄧屯田丙寅追贈本生四代子爽吳國公伯盱益國公師意越國公皆為太師詔宗正司申嚴州郡以時贍給宗親無致失所違者有刑三月己酉始用賈似道為籍田令辛酉遣太常寺簿朱楊祖閣門祇候林拓省謁八陵丙戌以所獲完顏守緒遺骨并寶玉法物獻於宗廟社稷俘囚張天綱完顏好海等命有司審實以聞庚寅論功行賞授孟珙并官屬陳一薦江海等官金降人夾谷奴婁改姓名同鼎與王翬顯呼延實來伯友石大瑞白華各授官有差五月戊申太平州螟丙辰宰相清之力主趙范與葵欲乘時撫定中原守河據關收復三京之說命范與陳韓主之丙寅詔復黃翰李燔李道傳陳宓樓昉徐宣胡夢昱戴埴等官仍賜諡優恤各錄其子以旌

忠義勵士風建陽縣盜發焚劫邵武麻沙長平權邵武府王瑩
討平之六月戊辰朔宰相進選德殿柱金書六字曰毋不敬思
無邪帝銘之座右戊寅陳德剛簽書院事尋卒己卯追復濟王
竝官爵癸巳趙葵帥師會知廬州金子才於汴金故將李伯淵
等誅崔立以降秋七月蒙古聞宋來爭河南還師赴之次黃河
寸金淀以灌我師兵多溺死時州縣多空城史嵩之又不致餽
子才難之葵督促益急乃檄鈐轄范用吉樊辛李先爾顯等提
兵萬三千監以置司機宜徐敏子先令西上楊誼以廬州強弩
軍萬五千繼進各給五日糧庚辰敏子啓行乙酉張廸以二百
人趨洛陽蒙古伏其軍於城外驅民出城以誘之廸見城中寂
然至晚有民庶三百餘登城投降遂與敏子帥眾入城八月甲
戌朱楊祖林拓謁陵岡以圖進上聞諸陵相去遠近及陵前澗
水新復楊祖悉以對上恐涕太息乙亥並命趙范趙葵金子才
爲三京留守蒙古兵至洛城敏子引歸葵與子才亦棄汴楊誼
未至三十里師潰僅以身免九月壬寅趙范劾葵與子才輕遣
偏師趙楷劉子澄參贊失計詎與敏子用吉急於赴援致不能
支詔各削秩貶葵措置河南京東子才措置唐鄧息各營田邊
備罷放子澄楷敏子降吉武翼郎誼勒停自劾時進士何遷編
類朱熹解註文字上謂有補經筵授上州文學冬十月己卯德
秀進大學衍義十一月壬子除孟珙兼御前忠衛軍都統制招
中原精銳萬五千餘分屯灤北樊城新野唐鄧間以備蒙古名
鎮北軍十二月己卯蒙古遣王楫以敗盟來責辛卯遣鄒伸之
李復禮喬仕安劉溥報謝自是淮漢用兵無寧日矣

冊曰助金滅遼前禍立至助元滅金後灾益熾明鑒了然

莫如省事威柄下移何能自遂

二年春正月丁酉淮安軍金棠縣天狗星墮有聲如雷化為碎石其色赤占者以為兵兆甲寅詔議胡瑗孫復邵雍歐陽修周敦頤司馬光蘇軾張載程顥程頤十人從祀孔子廟庭升孔伋十哲丙辰詔孟珙黃州駐劄措置邊防辛酉遣和州防禦程芾使北通好從義郎王全副之尋添差武功郎杜顯二月甲子朔日當食不虧三月乙未太學生陳均進宋長編綱目進士陳文蔚進尚書解並授廸功郎乙巳以陳綽簽書樞密院事夏四月追削鄭損秩謫居温州簿錄其家尋竄南劍州丁卯都城火丁亥太白晝見戊子大閱五月乙未臨安軍民交鬪削御前都統趙勝三秩代以韓昱丙申大雨雹丙戌賜進士吳叔準以下及第出身己丑蒙古命太子闊端侵蜀漢以所獲金帛資軍使姚

樞從神求儒學并醫術之人赴北秋七月蒙古兵侵唐州知州全子才知棗陽劉子澄棄城遁削秩貶衡與瑞州趙范帥師敗之於上關而還冬十一月乙丑曾從龍魏了翁督視江淮京湖軍馬詔給修武郎以下告身并金銀度牒緡錢為隨軍資戊子安南國貢方物十二月庚寅從龍疏辭新命了翁獨兼督府壬寅陞辭詔許便宜行事授吳潛樞密都承旨與趙善瀚馬光祖並參謀議余爍同簽書樞密院事蒙古自鳳州入擣太安知天水軍曹友聞救却之友聞引兵扼仙人關辛亥雷三年春正月己未朔以星行失度雷發非時罷天基節宴賜安南國王封爵襲衣金帶壬申蒙古兵連攻洪山張順翁大成等禦之隨州駐劄都監程再選力戰有功二月甲午攻江陵統制李復明奮勇戰沒贈三秩官其二子壬寅詔近臣條具邊防事宜左曹



郎趙以夫上十策甲辰復召了翁赴闕以陳韡爲沿江制置使知建康府史嵩之淮西制置副使知廬州三月北軍將王旻李伯淵以襄陽降於蒙古凡失官民兵四萬七千財粟三十萬軍器二十四庫銀鹽鈔不與焉南軍將李虎乘火縱掠襄城爲空削制使趙范三官虎落刺史罷御器械捍禦自歿階岷墨宥十八族謀者以檄招降曹友聞奏斬之夏四月癸丑上海開邊下詔罪己五月蒙古取隋郢荆門軍六月庚戌大雨雹秋七月丁巳祈晴甲申雨血八月丙戌蒙古取棗陽軍大將忒沒反欲坑士人姚樞力辯得免又拔德安府獲儒學趙復樞與同至燕自是北方始知經學樞亦得親程朱性理書焉九月辛未祀明堂大赦夕天雨震電冊免宰相清之行簡召崔與之復辭不至壬午曹友聞大戰於陽平關兵敗死之關端長驅入蜀陷成都利

州潼川三路并府州軍縣關隘盡沒淮存夔瀘順慶而已冬十月甲午口温不花入淮西詔嵩之與韡應援壬寅破固始縣淮西將呂文信杜林因潰兵以叛據六安霍丘丙午關端入文州守臣劉銳通判趙汝鼎死之十一月丙寅復行簡相位蒙古兵蜀光州合肥復侵江陵孟珙敗之破二十四柵還俘民二萬侵真州知州丘岳敗之遂引去戊寅復成都府十二月壬寅改明年元癸卯清之辭職提舉洞霄宮甲寅池州都統趙邦永以援滁州功轉左武大夫餘立功將士具等第姓名推賞

嘉熙元年春正月丁巳賞程再暹爲閣門宣贊舍人京西鈐轄兼知隨州甲子詔江陰鎮江建寧太平池江興國鄂岳江陵遇兩淮荆襄避地流民各計口給米二月壬寅雨雹丙申忠義選鋒張順屈伸等以舟師戰公安有功各轉一官餘推恩有差癸

卯以朱熹通鑑綱目下國子監刊進經筵進講丙申贈宣化陣
亡將校李仙王海李雄廖雷各爲武翼大夫餘官有差丙午詔
夔路鈐轄知恩州田與隆獨戰大安德勝堡至潼川兵寡不敵
忠節可尚特與轉官五月壬申臨安大火自巳至酉燒民舍五
十五萬六月口温不花攻黃州孟珙往救敗之又攻蘄州都統
萬文勝知州徐棗城守論功補官甲辰祈雨丙午知黃州李壽
朋被命不之官削三秩放建昌軍詔建內小學擇宗子十歲以
下質美者置師教之秋七月不花復侵少豐知軍事杜杲與池
州都統呂文德合力敗之北師自淮西還己未樞密院奏制司
參議官李曾伯廬州守臣趙勝都統王福等十一人戰守俱有
勞效詔各轉一官八月甲辰詔蜀黠寇監都統王宣戰歿總管
吳桂棄走削官勒停冬十一月戊辰詔給江淮漢州軍備舟師

戰具防邊衝要堡隘十二月戊寅朔日食將旣復與金木水火
四星俱躔於斗詔損膳避朝令有司檢會故實以聞二年春
正月戊申朔詔近臣舉曉暢兵財者及三衙諸軍統制選舉將
士具名以聞光州信陽二城共圖剋復二月蒙古再遣王檝來
詔大理少卿朱楊祖送伴將作監周次說報之夏四月癸未丁
黼爲四川制使兼知成都己酉雨土閏月壬申賜進士周坦以
下及第出身五月癸未帝從喬行簡議以兵事委李鳴復財用
委李宗勉楮幣委余天錫當會議者參酌而行秋七月趙以夫
同知樞密院事壬午子維生踰二月天冬十月丁卯吳潛奏宗
子趙時豐集真滁豐濠四郡流民十餘萬團結十七砦宜補以
官就賣沙場蘆田以贍流民籍強壯爲兵從之十二月乙卯減
四川鹽酒權額出祠牒會子共七百萬給制司爲三年生券戊

辰詔諸路和糴給時直平概量毋科抑申嚴苛禁 三年春三月甲戌孟珙復襄陽府及信陽光化軍夏四月壬寅祈雨秋八月戊戌朔浙江潮患告於天地宗廟社稷辛丑蒙古塔海復取成都丁黼敗死遂取漢中簡州蓬文八州及遂寧重慶三府九月辛巳祀明堂大赦壬午賞廬州磨店北功轉淮西敢勇將陸旺李威三官同出戰二百人轉兩官陣沒者優與撫恤冬十月秉義郎守鄂州長壽縣李良沒於陣詔贈三官十二月甲子珙遣將分道禦北兵於蜀口遂復夔州 四年春正月辛未彗星出營室下詔罪已甲子犯王良第二星二月丙申朔大赦辛丑白虹貫日三月辛未彗星消伏夏四月壬寅前潼川運判吳中進對言四川制置副使彭大雅當蜀殘破能城重慶以禦利鬪民懷思之請立廟祠祀又言張祥保全趙彥呐楊恢制置之

功敵人憚其果毅宜見錄用上嘉納之乙巳召嵩之赴闕其在鄂諸將皆捷春顧益隆賜資無虛日五月戊子命吳潛兼侍讀李性傳兼侍講六月甲午朔浙江福建旱蝗乙未祈雨詔有司恤刑臣僚直言闕失冬十月癸巳改明年元十一月癸酉詔武功大夫荆鄂都統制張順以私錢招襄漢潰卒剝忠義虎翼兩軍及援安慶池州有功特與官兩轉十二月丙辰地震已未詔求直言

淳祐元年春正月甲辰詔曰孔子之道自孟軻後不得其傳至我朝周張二程真見實踐深探聖域千載絕學始有指歸中興以來又得朱熹精思明辨表裏混融朕每讀學庸論孟之書本末洞徹孔子之道益以大明其令列諸從祀以示崇獎之意至安石有三不足畏之說為名教萬世罪人宜黜之丙午封惇頤

汝南伯載鄂伯顯河南伯順伊陽伯戊申幸太學謁孔子御崇
 化堂命祭酒曹翬講大學賜師生官秩錢帛有差復製道統十
 三贊白鹿洞規宣示諸生三月趙以夫罷夏五月戊申賜進士
 徐儼大以下及第出身六月庚申螟秋七月壬辰祈雨冬十月
 蒙古主窩闊台殂妻馬真氏僭國政十二月丁卯蒙古遣使月
 里麻思等來至淮上守將囚之二年春正月戊戌嵩之等進
 高孝光寧四朝國史及孝宗經武要畧寧宗玉牒日曆會要實
 錄三月孟珙出師禦蒙古將也可那延諸將稟命惟謹夏四月
 甲寅白氣亘天壬申雨雹秋七月自夏積雨浙右及常潤建康
 大水兩淮尤甚八月北兵侵真州杜杲擊敗之淮東先鋒馬軍
 鄧淳李海戰於揚州撻扒店宣勞居多各轉兩官忠勇軍統領
 王溫等戰天長縣東衆寡不敵皆沒於陣武翼大夫吉州刺

史補子興國保義郎更官一子承信郎厚賜其家餘人恤與焉
 差九月庚辰朔日食辛卯祀明堂大赦冬十月乙丑北兵入通
 州屠其民而去追奪守臣杜憲出身以來文字竄南雄州仍詔
 諭兩淮制置李曾伯督勵諸將勉圖後功十一月己亥日南至
 雷電交作避殿減膳求直言三年春二月乙丑呂文德為福
 州觀察使侍衛馬軍副都指揮使總統兩淮出戰軍馬庚午詔
 鄂州推官黃從龍死節贈通直郎一子補下州文學三月丁丑
 朔日食夏四月癸丑左武衛中郎將措置濠州捍禦王烈闕門
 宣贊淮西路鈴王杰閣門祇候江東路鈴李季實各往馬騶王
 鑑軍前議事遇北兵戰死贈官錄子乙卯褒固守嘉定守臣程
 立之轉一官丙辰安豐軍統領陳友直以王家珮戰功轉兩官
 壬申布衣王與之進所著周禮訂議補下州文學五月庚子詔

施州創築郡城及關隘六十餘所本州將士及忠州戍卒執役
三年者各補轉一官秋七月丁亥詔密州之役海州屯駐保義
郎申政先登陷陣而沒特贈保義郎官其子進勇副尉壬辰四
川制司追論北兵被時忠義副總管楊世威堅守魚孔隘孤壘
不降有特立之操擢知大安軍八月癸亥揀福州延祥荻蘆兩
砦廂禁兵習水者各置武濟水軍閏月丁丑余玠上白土坪戰
功轉知巴州向佷鈐轄譚淵十八人各三官其被傷者給緡錢
沒者贈恤有差四年春正月壬寅朔帝製訓廉謹壻二銘戒
飭中外毋擅興暴掠虐殺無辜以慰中原遺黎之望二月卽潛
邸建龍翔宮祀感生帝夏四月乙未祈雨五月丁巳諡武功大
夫雄威軍都統楊价世守南邊連年調戍播州捍禦勤瘁特轉
右武大夫文州刺史戊午呂文德解壽春府圍諡忠愍密院稟

議以兼淮西招撫使知濠州錄進勇副尉桂虎進義副尉趙
叶渾將虞候鄭蔡捍禦有勞各轉兩資及發緡錢百萬詣兩淮
制司犒師六月乙亥賜進士留夢炎以下及第出身秋七月己
亥朔祈雨乙卯招收汭淮失業壯丁爲武勝軍辛酉盜發永州
東安縣飛虎軍正將吳龍統制鄭存等討捕有功詔補轉官資
九月癸卯史嵩之父病許謁告詔范鍾劉伯正暫領相事甲寅
京湖制司官諸將李福等破申蔡州西平縣及馬家等砦詔各
補官推賞嵩之父喪詔起復守臣敦諭赴闕士論涵湧臺諫獨
無言冬十月甲戌帝夜降御筆黜不才諫議大夫劉晉之侍御
史王瓚監察御史龔基先胡濤獻明日擢劉漢弼左司諫十三
月復因徐元杰上疏許自舉執政以代嵩之乃知不爲衆論所
容疏乞終制帝尋許之五年春正月丁酉朔詔更新憲政綏

撫中原遺民準淳熙故事戒吏貪虐預借抑配重催取贏己酉
雷二月丙寅朔雨土甲戌復五河縣加呂文德三秩牟洪二秩
餘有功推賞陣沒贈恤發緡錢百萬犒師丁丑范鍾等上寧宗
實錄玉牒日曆及孝光二朝御集夏四月戊子余玠奏權巴州
何震之城守而亡贈三官錄一子下州文學京湖奏鈐轄王雲
等襲邛州鎮平縣靈山戰順陽鐵檄峪有勞被重創死詔贈三
官一子承信郎王寬王立田秀董亮董玉各加贈恤路鈐于江
一軍力戰各轉一資北兵侵江陵孟珙等敗之詔珙與李曾伯
余玠董槐王鑑職事修舉各與轉官因任五月丁酉呂文福帶
行閣職夏貴轉兩官丁未從趙葵請沿江湖南江西湖廣兩浙
及許浦各造輕捷戰船置遊擊軍分備捍禦秋七月癸巳朔日
食瀾常旱甚詔監司守臣沿江諸郡安集流民甲辰祈雨丁巳

京湖言總制亢國用帥衆戰裕州揚河墨山大神山皆有勞效
詔轉兩官李山等一官北兵侵濠州呂文德敗之推恩將士有
差九月甲辰京湖又奏劉整等率精銳以雲梯登鎮平縣城入
而巷戰焚倉庫糧器甲路將武勝等四人死之復畧廣陽焚
砦柵廬舍二十餘所還抵靈山又力戰有功詔轉整兩官同行
蔡貴等各一官辛亥祀明堂奉太祖太宗寧宗並侑大赦冬十
一月壬子錄死官守權成都府馮有碩權漢州王讓權成都縣
楊兌權資州劉永權潼川魏雷各贈三秩錄子癸丑將領闕貴
統制白傅才率衆復洋州還遇北兵皆沒並贈承節郎耐享憫
忠廟錄子進勇副尉併恤其家十二月甲戌詔壽春守臣劉雄
飛呂文福林子宿等捍禦有功各轉三官雄飛知壽春府節制
屯田軍馬劉用等補官己卯加皇弟與芮少保六年春正月

辛卯朔日食避殿減膳講求闕政置國用所命趙與憲提領夏四月甲戌以丘岳兼兩淮賈似道兼斬黃皆屯田副使戊寅詔授朱熹門人胡安定呂燾蔡模並廸功郎本州教授仍給札錄其著述并條具所欲言以聞閏月戊戌呂文德奏今春北兵攻淮俘掠人民統制汪懷忠等逆戰趙家園拔還賞之知州王成倪政等帥舟師援安豐軍將士陣亡者衆詔贈政三官子承信郎許通夏珪孫才江德仙各兩官子下班祇應仍給錢恤其家癸卯余玠奏北兵分四道入蜀將士捍禦有功奉便宜推賞其立功等第補轉官資以聞從之秋七月蒙古主貴由始立無君者六年壬戌泉州饑部民謝應瑞出私鈔賑糴補進義校尉已巳北兵圍壽春總管孫琦呂文信夏貴等戰龍堙有功詔轉文信一官餘依等第轉補其陣沒董先等并傷者贈恤恩養存差八月

已酉賜文士劉克莊進士出身以爲秘書少監兼崇政殿說書領史事七年春正月乙卯朔詔諸大臣務舉實政以寧邦家若詞浮於實玩愒歲月朕何賴焉二月庚寅淮安主簿周子谿久俘於北數進蠟書諜報邊事特遇生還升爲朝奉郎已亥貴妃賈氏薨三月庚午祈雨夏四月庚子帝憂邊徼日至命趙葵督視江淮京西湖北軍馬聽便宜行事却趙希堅禮部尚書叅贊軍事陳韡安撫湖南兼知潭州出內庫緡錢銀絹祠牒并戶部銀聽用五月甲寅寧淮統制張忠戍浮山手搏北將俱溺水死贈武畧大夫錄子承信郎優恤其家乙亥旱求直言令諸處講荒政掩遺骸六月癸巳賜進士張淵微以下及第出身秋八月辛卯雨辛丑贈前彭州守臣宇文景訥死事進三秩子下州文學丙子蔡抗進其父沈尚書解冬十月己酉監察御史陳垓

等上言添差攝局奏辟改任薦舉借補曠職匿過檢覆決獄十
弊上嘉納之十一月丁巳郴寇害知茶陵黃端卿贈三秩子將
仕郎立廟衡州十二月壬辰太學生程九萬自北來歸條上邊
事賜廸功郎八年春正月稱提會子七十八兩界永遠行
用二月丁亥趙葵奏呂文德解泗州圍將士用命兵退陳奕譚
涓玉王成等又戰渦河龜山有勞其步兵多山東人轉調史用
政等襲膠州高密以牽制侵淮之師詔趣上等第姓名推賞癸
巳雨雹乙未福州福安縣民羅氏母年過百歲特封孺人復其
家勅有司歲時存問以厚風化三月蒙古主賞由剏甲戌詔泗
州潮河壩之戰先鋒統制田智潤父子俱死贈修武郎并夏臯
張忠立廟泗州賜額忠節官其二子承節與承信郎優恤其家
夏四月丁亥贈死事程克己朝奉郎妻王氏同沒進安人九月

辛酉祀明堂大赦冬十月己卯余玠奏都統張賓等第戰功承
制轉三官給刺史象符并金銀器銀錢餘將士依等第轉官資
賞詔從之九年春正月庚申補周八世孫柴彥穎承務郎襲
封崇義公辛酉詔軍民從便耕墾兩淮京湖沿江曠土成日官
不分收仍諭制帥嚴勸覺察癸亥創慈幼并藥局乙丑雨雹幸
未詔給表忠觀田仍禁樵採夏四月壬寅朔日食詔以丘岳屢
戰多捷闔職修舉命兼淮西制置使御書忠實二字賜之秋九
月乙未冊婉容閻氏爲貴妃建功德寺於九里松賜名顯慶殿
宇壯麗甲於靈隱天竺冬十二月戊申太白晝見十年春正
月立秤提會子殿最之法二月詔諸王府講綱目論語集解乙
卯雨土夏四月己酉幸龍翔宮秋八月甲寅台嚴大水復民租
發義倉九月己酉賜進士方夢魁以下及第出身賜名逢辰冬

十月余玠出師三興元無功而還十一月壬寅雷十二月丁巳
虹見十一年春二月乙未清之等上玉牒日曆會要及光寧
二朝寶訓經武要畧三月辛巳城寶應移軍戍守進李庭芝秋
將士推恩有差升兪興成都安撫副使知嘉定府措置威茂黎
雅邊防夏四月戊戌潭州民林符三世孝行一門義居福州民
婦陳氏笄年守志壽逾九十詔皆旌表其門丁未進淳祐條法
事類凡四百三十篇六月蒙古主蒙哥立無君者三年甲子余玠進
北馬五百疋丙申高達帶行遙郡刺史權知襄陽府管內安撫
節制軍馬乙巳詔求遺書并山林著述秋八月丁未命呂文福
爲御前諸軍都統制駐劄廬州庚戌故直龍圖閣樓昉上所著
中興小傳百篇宋十朝綱目并撮要二書詔付史館謄寫追贈
待制辛亥上覽林光世易範明易推呈配象演義命有司以禮

津遣赴闕承信郎陳忠亦獻書轉官九月辛未祀明堂大赦十
一月丙申京湖奏聞復襄樊功都統高達以下將士三萬二千
七百人各官一轉犒緡錢三百五十萬十二月戊辰詔以八事
訓飭在廷肅紀綱用正人救楮幣固邊陲清吏道淑士氣定軍
制結人心十二年春正月辛丑太學錄楊懋卿孝行異旌
表其門癸丑宰相以國用不足議立方田開溝澮自近圻始二
月乙卯朔日食北兵攻隨郢安復京西副總馬榮率將士戰嚴
賓山銅冶坪大脊山兵不滿千能禦大難詔官兩轉帶行閣門
祇候賜金帶諸將王成楊進各官兩轉餘推恩有差三月丁未
守三汊口焚北屯積斷其浮梁夏四月戊辰詔復襄樊郢州惟
耕屯爲急務措置屯田修築堰出緡錢百萬命京闕措置牛種
丙子劄置沿江遊擊軍水步各半五月甲申朔祈雨壬辰申儆

江防葺戰艦練舟師以勤惰殿最賞罰乙巳盜起玉山縣罷諸郡經界六月癸亥平之丙寅嚴備婺台處上饒建寧南劔邵武同日大水遣使分行振恤除今年田租秋八月己未詔復二月省試四月殿試免滯遠方士子丁丑行新製會天曆辛巳改明年元冬十一月丙申夜臨安火次夜乃熄避殿減膳求直言十二月己未追錄彭大雅劄城逾州功復承議郎官其子癸亥詔春秋遣從臣往祀海神丁丑立春雷

寶祐元年春正月庚寅朔立皇子孜癸卯北兵渡漢江屯萬州入西柳關高達調將士扼河關上山大戰至盤坑石礮港而還二月己酉朔日食戊辰陳垓以會貳湖州辛未罷尚書省創置呈白房三月戊子授宗室希遷少傅乃裕保康軍節度使各加食邑有差夏五月己亥賜進士姚勉以下及第出身六月戊申

朔江湖閩廣旱祈雨秋七月庚寅温台處大水振之癸巳以余玠興元歸附兵分隸本路諸州務撫存之各給良田濟以錢粟八月乙丑行皇宋元寶錢九月壬辰城夔門二年春正月詔旌表湘潭縣民陳克良孝行二月乙巳北兵城利與閩州統制呂達戰歿贈四秩官二子承信郎下班祇應庚申饒州奏奪衣饒魯不事科舉一意經學詔補廸功郎本州教授王善使拖留七年三月壬午始歸己丑錄襄城功高達帶行環衛官遙郡團練使程大元李和以下將士六千六百餘人補轉官資有差甲午賈似道上城東海圖夏四月辛亥詔邊兵耕墾閩汀六月甲辰制司奏北兵入廣安軍守臣曹世雄等戰禦有功各補轉官資丙辰利州王佐堅守孤壘愧還降將南永忠詔進一官其一從降隆慶教授鄭炳孫妻女同縊贈朝奉郎直秘閣劄訪其子

官以文資閏月甲戌錄嘉定功北兵圍城五旬帥守俞興元用
等十六人夜開關力戰而解詔各轉五官將士補轉有差乙亥
台州海寇積害路分董櫛泊進士周自中等擒獲詔轉一官
皆推賞秋七月詔思播兩州連年捍禦守臣田應庚楊文各轉
一官餘推恩八月乙亥下前知蜀州兼利西安撫王惟忠於十
理獄命臺臣監鞫斬之籍其家癸巳謝方叔等上玉牒日曆并
中興四朝志傳及寶祐吏部七司續降條令九月辛亥祀明堂
大赦丙寅山陰蕭山諸暨會稽大水除今年田租冬十月戊戌
段元鑑上隆慶堡戰功部兵周榮被獲密約入隘解圍事覺就
禽不屈而死馬徽白端戰歿詔撫司立廟十一月丁未北兵滅
光化舊治十二月癸未雷四川苦竹隘獻捷安西蠻受攻五月
將士力戰解圍在城居民以資糧來助詔撫司具名推恩並

一資復租賦五年 三年春正月己未迅雷從牟子才言罷
夕張燈庚申均州築城龍山巴州獻捷壬戌詔宗正寺所擬宗
子名以用宜季次紹五字續大由友嗣甫之下二月己卯復廣
陵堡城賈似道以圖來上乙酉出告身祠牒新會香鹽命臨安
守馬光祖改換兩界舊敵會子三月己酉詔沿邊耕屯課入登
羨推賞荆襄兩淮屯營諸將及山砦亦如之己未雨土夏五月
久雨辛酉嘉定大雨雹與叙南同日地震浙西大水六月丙戌
李全子松壽葺舊海城窺海道賈似道調兵敗之勅書獎諭秋
七月癸丑呂文德知鄂州節制鼎澧辰沅靖五州丙辰謝方叔
徐清叟被論解職詔令董槐程元鳳輪日判事取旨 四年春
正月帝下御寶黃冊催內藏坊塲錢知嚴州吳燾奏論董宋臣
諷臺諫劾罷之二月戊辰以蒲擇之爲四川制置使知重慶府

三月丙辰帝製字民訓賜親民官夏五月甲午賜先聖孫孔元龍迪功郎甲辰羅氏鬼國遣思播報言北兵屯大理國取道西南將大入邊詔以銀萬兩使思播結約羅鬼為援丁未詔申嚴老鼠隘防戊甲寅賜進士文天祥以下及第出身六月甲戌太府寺薄朱禎孫知瀘州兼潼川路安撫長寧瀘叙邊防癸未董槐罷元鳳蔡抗依舊輪日判事取旨秋七月甲寅知叙州史俊調舟師與北兵戰十三合詔官三轉帶閣門宣贊舍人九月壬辰西南蕃呂告蠻目寧名天兄弟慕義與烏蘇蠻合力為國禦難詔各補承信郎十一月戊戌詔蜀罹兵革所當勞撫使之樂業比聞官吏大肆誅求殊失本意自今制司戒飭違者罪之十二月庚申北兵城棗陽為犯襄郢計是歲浙江堤成蜀與襄樊荆閩各奏捷詔獎諭趣上有功將士姓名等第推賞 五年春

正月乙巳雷二月丁丑布衣余一飛高杞陳讓陽備禦策命趙葵施行夏四月丁卯北兵侵襄陽高達破之於白河轉行右武大夫帶遙郡防禦使己卯破苦竹隘守將楊立張實死之詔蒲擇之及京湖調兵應援閏月祈雨甲午北兵犯安南詔徐敏子嚴防邕宜築宜州城己酉呂文德知靖州田應寅乞屯瀘叙以援思播分洞兵以扼施黔詔策思州三隘五月庚申雨丁卯城荆山置懷遠軍以夏貴知軍事正任吉州刺史帶御器械辛巳蒲擇之復劔門壘命轉兩官朱禎孫蒲黼楊大淵韓勇各轉四官秋七月己未太白晝見八月丙戌台州火丙申臨安火九月辛酉祀明堂大赦冬十月癸巳雷甲午虹見丁酉林存簽書樞密院事十一月己丑獎諭安南國賜金器幣香茗乙亥詔京湖帥臣分置黃平清浪平溪屯戊十二月蒙古主自將南侵由隴

州趨散關莫哥大王由洋州趨米倉李里又萬戶由漁關趨沔州是歲四川嘉定并光化軍各奏捷六年春正月辛亥朔林存叅知政事蒲擇之帥師復成都不可而還甲戌出封樁庫銀命密院編修呂逢年詣蜀闢趣辦屯柵工役糧餉相度黃平思播諸處險要緩急事宜具以上聞戊寅雷二月壬辰雨土三月辛亥朔祈雨自冬徂春久亢民失東作詔避殿減膳夏四月甲申大雨宰相表請御殿丁酉擢田應已御前忠勝軍副都統制思州駐劄往播州共築關隘丙午林存同知院事北兵圍襄陽樊城高達程大元救却之五月庚戌朔論功激賞與城守李和成進官癸丑哨達通秦州及安豐軍守臣迎拒之繼而懷遠連水軍皆奏捷轉夏貴兼河南安撫使毛興右武大夫並因任秋七月庚戌長寧軍修凌霄城完進朱禎孫官易士英帶行閣閣置贊餘轉官有差戊辰蜀郡劉整上捷詔推恩賞乙亥呂文德以播州給以封樁銀八月戊戌蒙古主次劔門詔上流鎮江防禦癸卯倭船入界詔閩廣海道申嚴防遄九月甲寅再詔安南精狀罔測申飭邊防冬十月丙子朔上以成都諸將暴露日久雖未尅復戰功亦多宜與序升命亟條具以聞丁丑擢龔興四州制置副使兼成都安撫知嘉定府乙酉知隆慶府楊禮守安西堡有功進兩官庚寅廣南劉雄飛奏橫山功轉三官部兵將校兩官置橫山屯十一月己酉林存罷知建寧府癸丑潁州上戰功詔亟推賞以示激厲甲寅策黃平賜名鎮遠州進文德三秩呂逢年一秩丙辰給事中張政論徐敏子曩帥廣右嗜殺黷貨流毒桂府詔羈骨隆興府丁卯東海失守甲戌兵退詔似道以功自贖特與放罪十二月戊寅改來年元庚辰北兵入蜀馬

光祖招募壯士萬人逆戰房州敗走之特加獎勞與執政恩數
開慶元年春正月乙巳朔詔飭中外奉公法圖實政丁未隆及
雅州皆降於北分兵各進巴西由忠涪趨夔境詔擇之光祖便
宜行事辛亥犒蜀師庚申兀良哈反入賓象州知州呂振龍奚
必勝遁並追出身文字竄於遠方橫州守劉清卿設隘堅守轉
一官至靜江李會伯閉門自固破利州隆慶順慶諸郡聞蓬廣
安守將相繼納降遂造浮梁於涪州之蘭市勢將順流東下命
印憲飛知鄂州兼湖北轉運使馬光祖江東安撫使兼知建康
府行宮留守賢似道提舉兩淮兵甲兼知江陵府二月庚辰趙
與篁躡本為兩淮制置兼知揚州三月丁巳補擇之免轉呂文
德保康軍節度使四川制置副使兼總領財賦知重慶府李遇
龍權刑部侍郎各賜金幣夏四月乙酉知施州謝昌元自備錢

粟築城有勞詔轉一官五月甲辰朔城金興開州乙卯達州土
文德等賞募壯士斷橋通道有功加檢校少師領馬軍行司選
補將士有差丁巳恤湖北旱饑乙丑行開慶通寶錢辛未賜進
士周震炎以下及第出身時昇國公主當選尙丁大全欲用震
炎為駙馬公主聞其年幾三十不悅降為第五甲出身六月甲
戌文德入重慶詔諭軍民奮勇效死有功行賞靡問邇遐有能
效順來歸悉當宥過加恤史天澤來侵戰於嘉陵江文德敗績
八月忽必烈自黃州渡江侵臨江軍知軍陳元桂死之遂次於
陽邏泐築壘岸側京湖江淮州縣多降之戊子申嚴海道防禦
九月壬子董文炳圍鄂州朝廷大震丁大全匿不以聞吳潛涕
泣入奏內侍董宋臣要帝遷都皇后諫止之庚申下詔罪已徹
樂減膳避殿求言勉諭諸閫進兵出內府緡錢銀帛給宣司及

沿江副閫以犒師命御史陳寅趨淮東調兵五萬應援上流再出內庫緡錢銀帛給兩淮沿江制司以備軍賞已巳詔似道兼節制江西二廣人馬通融應接冬十月辛未朔丁大全罷壬申吳潛似道督師並屯漢陽癸酉復轉趙葵建康移馬光祖江州副使史歲壽昌皆以應援權鄂州事都統張勝因危急登城語北兵曰城子已爲汝有但子女金帛皆在將臺可從彼取北兵信之焚城外民居將退會達與應飛兵至乃復進攻勝堅守不下死之乙酉雷癸巳哈反入辰沅復闢潭州知州向士璧拒退之癸卯北兵陷漣水軍揚州大震以文福帶遙郡防禦河南招撫使知淮安軍丙辰詔選招信泗州精銳千人揚州拱衛軍千人安豐濠州各千五百赴臨安聽調庚申夏貴入見帝撫勞甚至十一月上聞鄂攻益急詔出內帑緡錢五十萬犒內外諸軍

閏月北兵退甲申命呂文德知鄂州加檢校少保侍衛馬軍都指揮使兼京西湖北安撫制置屯田等使十二月己亥朔詔鄂與潭州聞解論功行賞辛亥改來年元是歲褒錄雲頂山諸處死節士各官其後贈隆慶府段元鑑安西堡楊禮奉國軍節度使封開國侯立廟賜額子爲成忠郎濠州統制張斌柘塘戰歿贈三官一子下班祇候知播州楊文知思州田應庚守禦勤勞各轉一官有功諸將陶林帶行遙郡刺史文通轉武功大夫賜賚有差

景定元年春正月丙子褒獎似道賜金器幣遣國子劉錫趣名赴闕二月己酉擢高達寧江軍承宣使右金吾上將軍知江陵府湖北安撫副使兼夔路策應與文德各賜緡錢及浙西良田贈張勝官錄子煥進武校尉戰守將士分賚有差孫虎臣和州

防禦使陳奕阮思聰俱賜金幣並因任王鑑蘇劉義張世傑以下各優進秩瑞州陳昌世治郡雖善兵至逃遁削秩勒停辛酉從向士璧奏衡州劉雄飛逆戰俘民獲還者衆詔授保康軍承宣使餘轉官賜賚分寧河朔砦都監權巡檢張興宗戰死贈武翼郎官一子承信郎給其家緡錢三萬丙寅旌湖南守禦功諸將溫和平左武大夫遙郡刺史李虎閣門宣贊鄧進復州團練使皆帶行仍賜銀絹俄罪李虎馭軍無律竄之鬱林三月戊辰朔日食有白氣如匹練亘天移似道鎮黃州責兼黃壽策應總諸將舟師敗敵歿卒於新生洲冒功遷福州觀察使又殺俘卒冒奏趙草坪功轉范文虎左武大夫遙郡防禦使張世傑孫虎臣並爲環衛官賜金帛夏四月蒙古主忽必烈立癸丑似道入相五月壬申追論史巖之北兵退始命程芾出師以致敗事啓職解官壬午熒惑入南斗留五十餘日甲申祈雨六月丁酉朔升巢縣爲鎮巢軍壬寅立忠王爲皇太子壬子賜李遇龍金帶陳奕帶御器械鎮江駐劄御前諸軍都統制并賜川秋七月丁卯朔皇太子受冊大赦戊子忽必烈遣翰林學士郝經持書申好來告卽位且徵歲幣上語宰執北朝使來事體當議似道使人拘之真州癸巳詔舉孝廉九月癸酉知瀘州劉整以功來上辛巳祀明堂大赦戊子蒙古王文統陰屬李松壽犯淮安詔申嚴邊備冬十一月壬子破之於漣水城十一月丙寅洪燾知臨安府兼浙西安撫使壬午以中軍統制知簡州馬千權爲興州都統兼知合州十二月甲午朔出華亭奉宸莊隸外廷助軍餉辛丑建陽縣嘉禾生改名嘉禾縣乙卯少師廬陵郡王思正薨諡簡惠印應雷直徽猷閣知江州主管江西安撫司公事節制

斷黃興國三郡是歲蠲蜀與江西湖南被兵州郡兩稅錄橫山
效節將士總管張世雄沈彥雄陳喜秦安李孝信鄭俊李安國
各贈官賜錢恤其家

冊曰姦臣迭興國事已去執德不弘何能終譽

二年春正月癸亥朔似道專政詔監司具劾去賊吏名數來上
率半歲為殿最守臣以一歲為殿最若無所劾而臺諫論列者
一體定罰其有治狀兼著據實以聞丁丑皇太子詣太學釋奠
孔子二月丙申孫虎臣戰邳州全師而歸三月壬戌朔日食乙
亥論援蜀功贈故寧遠軍承宣使張祥節度使都統制閻忠進
復州團練各官一子承信郎賜以緡錢戊寅宰執上玉牒日曆
會要經武要畧及孝光寧三宗實錄詔各進秩夏四月癸巳朔
追毀余思忠出身文字除名竄新州乙未何夢然簽書樞密院

重慶府乙巳除呂文福帶御器械淮西安撫副使兼知廬州五
月戊寅劉雄飛加和州防禦樞密都承旨知夔州兼夔路安撫
使六月乙未霖雨為災湖秀尤甚詔避殿減膳講行荒政辛亥
范文虎再除左領軍衛大將軍主管侍衛馬步司秋七月甲子
俞興考覈劉整軍前錢糧整遂叛率所部北降制司叅謀官許
彪孫死之自是北人愈易宋而邊釁日深矣辛未蒲擇之坐密
通叛賊羅顯蠟書竄萬安軍徙南康乙亥厲文翁以資政殿學
士沿海制置使知慶元府戊寅王惟忠家訟冤詔奪謝有叔合
得恩數臺臣吳燧褫職罷祠陳大方胡大昌皆鑄官八月壬辰
命韓宣兼常德辰沅澧靖五郡鎮撫使呂文德兼四川宣撫使
九月乙亥李庭芝奏郝經久留真州帝趣與錫賚冬十月癸巳

文德復瀘州外堡擬對江壘石爲城以示持久之計從之丙午
沈炎罷何夢然同知樞密院甲寅皇太子擇配十一月己未朔
奪俞興職劉雄飛代知重慶府總領夔路轉運安撫制置副使
十二月甲午以何夢然叅知政事兼太子賓客三年春正月
戊子朔似道專政執政何夢然臺諫孫附鳳桂錫孫劉應龍等
承順風指凡所惡者指爲丁大全吳潛之黨永不錄刑壬戌崇
獎耆年奉祠林彬之寶章閣待制史季溫直華文閣丁仁直寶
謨閣並授以祿甲戌錄權梁山軍李鑑守城有功帶行閣門宣
贊舍人就知本軍復改瀘州爲江安軍獎立功叅贊將士職秩
犒賞有差二月臨安饑詔振貧民丙午孫附鳳簽書樞密院事
兼賓客戊申詔御史臺復試中選士人以爲定制庚戌李璫以
漣海三城來歸并獻山東郡縣詔授保信寧武兩軍節度使督
視京東湖北等路軍馬封齊郡王復其父全官爵改漣水爲安
東州升東海縣爲軍三月丁丑汪立信差知江州主管江西安
撫司公事庚辰呂文福差知濠州兼淮西招撫使夏五月己巳
詔廣西驛汪經畧安撫措置屯田有效其令邕欽宜融柳象潯
諸州守臣課以殿最條具來上丁丑賜進士劉山京以下及第
出身庚戌夏貴上斬縣戰功六月戊子李璫受圍詔給銀錢犒
師援師不至而還庚寅孫附鳳權叅知政事庚戌安南陳日照
表乞傳國於其子威冕詔授靜海軍節度觀察處置等使檢校
太尉兼御史大夫上柱國安南國王賜號効忠順化功臣并金
帶器幣鞍馬秋七月壬申江州都統聶世興調遣入蜀託疾憚
行詔奪二秩押往京湖制司自效戊寅侍御史范純父劾前制
使俞興始功啓戎罷任罰輕詔削秩甲申夜有白氣亘天八月

甲午海州石湫堰成進知州張漢英帶行遙郡刺史馬步軍副
總管丁酉蘄州城成汪立信以圖來上詔獎諭知州王益正任
高州刺史戊戌李壇兵敗被誅事聞詔沿邊諸郡嚴謹邊防升
汪立信直敷文閣兼主管沿江制置司公事召陳奕赴樞密院
稟議丁丑温州奏布衣李元老讀書安貧不事科舉年一百四
歲詔補迪功郎給其奉閏九月戊申紹興府火詔貸居民錢勿
徵冬十月乙卯蠲四川總制鹽酒權額丁卯呂文德奏功失實
所遣將校禦敵多逗遛不進詔削呂文煥王達趙真兩秩王甫
一秩餘貶降有差甲戌歸化州岑從毅納土輸賦詔改名來安
州進從毅修武郎世襲知州事丙子升安豐六安二縣為軍十
一丁酉資陽砦主萬戶小哥及其子衆家奴來降詔賜姓名
王承堅補武翼大夫夔路副總管重慶府駐劄改夔州夏貴

州流淮西安撫副使丁未皇孫焯亮 二月辛巳
兼四川宣撫詔仍為策應使是歲以國用不足詔
進寸田尺土皆入官籍東南大擾 四年春正月壬午詔似道
專政議限田以品格為制抽回官戶田產逾限之數三分之一
轉買以充公田計得一千萬畝歲收租六七百萬石可免和糴
造幣學士徐經孫著作郎陳著言不便罷之二月丁巳置官田
所以知臨安府劉良貴為提領通判陳嘗廖邦傑為檢閱已未
詔近臣各舉所知林希逸奏蒲陽布衣林亦之陳藻有道之士
林公遇幼承父澤奉親不仕詔贈亦之藻迪功郎公遇元官上
贈一官乙亥獎呂文德浚築鄂州常澧城池進為寧武保康兩
軍節度使轉守臣韓宣遙郡承宣使蘇劉義吉州刺史戊寅北
使王德信劉公諒來詰稽留郝經之故三月丁亥擢雄飛樞密

都承旨四川制置使總領財賦朱禴孫太府卿因任丁酉呂思望知濠州兼淮西招撫使丁未獎知寧國趙汝楫推行經界不擾而辦職事修舉升直華文閣因任夏四月丙寅知嘉興段浚知直興葉哲坐買公田不遵元制俱罷六月壬子祈雨乙卯臨安火庚申公田竣事計平江江陰安吉嘉興常州鎮江六郡共得田三百五十餘萬畝立四分司主之每鄉置官莊一所官督民耕富民充莊官其荆湖江西諸道仍舊和糴丙寅賞功提領以下洎六郡官進秩有差庚午宰執進玉牒日曆會要經武要畧及徽宗長編寧宗實錄詔皆轉官秋七月壬辰勅三所進寧宗以來寬恤詔令北人以計誘呂文德置權塲於樊城外通五市內築堡壁反資敵出兵哨掠其威益熾九月甲申轉汝楫太府少卿淮東總領財賦辛卯祀明堂大赦甲午何夢然知樞密

院事冬十一月己亥福州火十二月丁未朔詔皇太子日講

五年春正月丁丑朔似道專政自寧宗世會子壅滯民不堪苦帝命出奉宸庫雜物官收做會及不用十七界者至是更造金銀見錢關子以一準十八界之三行之物價益貴庚辰詔崇經術考德行依二程綱條選士舉賢夏四月丙午詔管景模妻孥陷沒效忠愈堅所得俸入率以撫士特賜緡錢金帶丁未進夏貴樞密都承旨知重慶府兼四川安撫制置總領夔路轉運使使乙卯信陽軍將余元友提兵防護春耕有功補轉官資五月庚辰何夢然罷乙未安南國奉表謝恩兼進方物六月甲辰朔衢州詹沔因都吏徐信苛取激變寇掠常山詔斬信籍沒知州謝暨削秩勒停甲寅朱禴孫以右文殿修撰知靜江府充廣西經畧使戊午祈雨秋七月甲戌彗星出柳長數十丈自四更見

東方日高始滅避殿滅膳求直言己卯彗星退於鬼辛卯退於甲戌京城大火乙未始嘉定洪濤言新繁縣太祖御容殿前枯木再榮順化人楊嗣光奉太宗及真仁英神四像來歸迎赴行在所補嗣光武階兩資戊戌彗星退於參八月戊午彗星消伏甲子復見於參辛未化為霞氣冬十月乙丑帝有疾不視朝丙寅大赦丁卯崩在位四十一年壽六十一諡曰建道備德大功復興烈文仁武聖明安孝皇帝廟號理宗

冊曰魁聚而興彗哆而亡運可轉移道不可喪始崇正學卒苟表章列聖渡明羣儒益昌百代遙遙日皎天光

弘簡錄卷九十七

弘簡錄卷九十八

明刑部員外郎仁和弘齋邵經邦學

皇清翰林院侍講學士四世孫遠平校閱

天王 宋一之十五

度宗皇帝諱禛太祖十一世孫父嗣榮王與芮乃理宗同母弟母齊國夫人黃氏夢采衣神人擁一龍納懷中已而有娠以嘉熙四年四月九日生於紹興邸第祖母榮文恭王夫人全氏夢神言帝命汝孫非家所有嫡母錢夫人夢日照東室生時室有赤光稍長內蓄資慧七歲始能言輒合矩度理宗奇之歲久無嗣乃屬意焉初名孟啓淳祐六年授貴州刺史明年進宣州觀察使就內小學九年除慶遠軍節度使封益國公十一年更賜名孜封建安郡王上納程元鳳言選用重厚篤實之士以陳顯

伯爲翊善蔡抗爲贊讀翁甫爲直講立爲皇子賜今名改崇慶
軍節度開府儀同三司進封永嘉郡王初建資善堂御製記文
并書以賜進封忠王授與芮太師寶祐二年加元服字以邦壽
轉抗兼翊善施退翁爲直講五年加鎮南遂安二軍節度使授
與芮太傅判大宗正事立爲皇太子賜字長源上家教甚嚴每
日雞初鳴問安再鳴回宮三鳴往會議所叅決庶事退入講堂
先經次史手不釋卷將哺復至榻前起居問今日所講何經答
言是則賜坐與茶否則重爲剖析又不通則繼以怒明日更須
覆講率以爲常崩之日遣詔卽皇帝位戊辰尊謝后爲皇太后
庚午宰執文武請祥曦殿表請聽政不允辛未大赦十一月壬
申又表復辭凡經七上始允丙戌聽政初御後殿以賈似道爲
山陵使馬廷鸞留夢炎兼侍讀李伯玉陳宗禮范東叟兼侍讀
何基徐幾兼崇政殿說書丁亥詔求直言命光朝舊臣趙葵謝
方叔程元鳳馬光祖李曾伯各上章以匡不逮召江萬里王爚
洪天錫湯漢等赴闕詔躬行三年喪復濟王元贈官爵追封賜
諡有司討論墳制增修之加封本生父與芮武康寧江兩軍節
度使餘並如前從臺諫言竄內侍李忠輔何舜卿遠方戊戌詔
儒臣日侍經筵十二月辛丑改明年元行銅錢關子率以七百
七十文爲貫壬寅戒賊吏絕羨餘貢甲辰立生日爲乾會節免
徵臨安商稅并官私房僦地錢壽崇節亦如之自是祥慶災異
寒暑皆免名經筵講殿曰熙明命廷鸞進讀大學衍義序陳心
法之要戶部進兩浙江東西湖南北廣東西福建成都京西潼
川夔利路戶五百六十九萬六千九百八十七口一千三百二
萬六千五百三十三大理寺奏大辟三十三人

咸淳元年春正月辛未朔日食帝尊似道有定策功每朝必答拜稱曰師臣而不名二月庚申置籍中書記諫官御史言事歲終以考成績三月甲申攢禾穆陵夏四月壬寅賞四川都統咎萬壽及將士雲頂山金堂峽之功戊午特加似道太師封魏國公己未幸景靈宮發米贍京城民夔路都統王勝以李市沙平戰功轉官兩資閏五月乙巳久雨京城減直糶米發錢贍小民并賜殿步馬司及宿衛軍士詔以為常丁卯詔故成都馬步軍總管張順沒於王事特贈五官與子入官恩澤六月乙酉名理宗原廟殿曰章熙御製閣曰顯文置學士待制直閣等官秋七月丁酉初命迪功郎鄧道為韶州湘江書院山長主祀先儒周敦頤壬戌督州縣嚴錢法禁民間用牌帖癸亥諒陰命宰執類試阮登炳以下依例賜以出身八月庚辰命陳奕沿江按閱軍

防賜錢給用甲午北兵至廬州安慶諸路統制范勝統領張棖正將高興副將孟興等戰沒詔各贈官錄子進勇副尉九月壬子訪司馬光蘇軾朱熹後人錄用庚申吏部侍郎李常上七事崇廉耻嚴鄉舉擇守令黜貪污讞疑獄任儒師修役法冬十月壬申減蜀州縣鹽漕課乙亥減田契稅錢庚辰江安州瀘川安撫司以攻懷簡小富砦戰圖來上優詔答賞十一月乙未皇兄乃裕薨二年春正月癸丑似道專柄二月乙巳侍講范東叟奏正心之要一進德二立政三事天上嘉納三月庚子賞夔路總管張喜等防護開達軍功進官有差夏四月甲申侍御史程元岳上言帝王致壽之道在清心寡欲崇儉後世憐雅說以求之往轍可鑒上納之五月以留夢炎同知樞密院事六月丁丑給羅鬼國化州印壬午衢州饑命守令勸分諸藩發廩助之

秋七月壬辰祈雨八月甲申安南遣使賀登位獻方物冬十二月大理寺奏大辟三十五人三年春正月己丑朔祀南郊大赦癸卯冊妃全氏爲皇后戊申請太學謁孔子行釋菜禮以顏淵曾參孔伋孟軻配享升顓孫師十哲封邵雍新安伯與司馬光並列從祀禮部尚書陳宗禮國子祭酒陳宜中進讀中庸各進秩賜紫章服及推恩太武宗三學齋長宗正寺等官學生有差二月乙丑准東總領財賦陳蒙疏論賈似道奸邪誤國安置建昌軍丙子知夔州兼安撫徐宗武築開達石城創立臥龍山堡有功帶行遙郡團練使推恩將士三月癸卯知房州李鑑及將校杜汝隆夏喜戰於龍光砦有功優與旌賞夏五月丁亥朔日食六月留夢炎知樞密院事壬戌加呂文德少傅因任秋七月壬辰右武大夫權鄂州都統汪政戰鄂城并焚光化城外遺聚及攻真陽城皆有功詔轉橫行遙郡甲午胥萬壽調統制趙寶楊立等率舟師護糧達渠城有功特升右武大夫帶行左驍衛大將軍賜金帶己酉權黎州張午招諭大青羌主歸義例加優賜從之八月壬戌邊報警急詔諭文德等申嚴防邊遣步軍陳奕率馬軍舟師巡邏江防乙丑進封與芮福王仍主榮王祀稱爲皇叔詔書不名母黃氏隆國夫人皇族與萊檢校少保安德軍節度使加食邑五百戶餘轉官有差壬申久雨命審夾滯獄九月癸卯知邕州總統譚淵李旺周勝等由特磨行大理界率兵攻建水州禽其知州阿孱以下并獲人馬焚穀米器甲廩舍師還論功各轉三資軍校補轉有差冬十月庚申復開州賜四川策應司錢百萬勞軍十一月壬寅賞李鑑調遣路將夏喜統領馮興等均州武陽壩戰功十二月丙辰呂文煥知襄陽府

乘京西安撫副使。四年春正月，似道專柄，罷留夢炎。癸未，賜
 呂師夔紫服金帶。己丑，北兵於白河口萬山鹿門山興築城堡。
 檄知郢州翟貴兩淮都統張世傑申嚴備禦。己酉，改印應雷知
 慶元府，兼沿海制置使。夏四月丙申，右正言黃鏞上守邊急務
 當合兵農為一屯田以川蜀為先，民兵次之，民兵以淮襄為先，
 屯田次之，不報。丁酉，詔賜死節修武郎姚濟，廟額曰忠壯。五月
 辛酉，高達乞歸田里，命孫虎臣代之。壬申，賜進士陳文龍以下
 及第出身。六月，罷公田莊官，募民自耕，減輸租什三，毋私相易。
 違者以盜賣官田論。秋八月壬寅，奉安寧宗理宗實錄御集。日
 曆會要。玉牒經武要畧成淳日曆玉牒宰執以下各轉官推恩
 有差。冬十月戊寅朔，日食。子憲生。十一月癸丑，以南平紹慶六
 郡鎮撫韓宣城渝嘉開達常武諸州由峽州至江陵水陸指置

盡瘁以死，加恩授正任承宣使。一子官承節郎。丁巳，詔知江陵
 府陳奕禪將周全王德等戰西山南谷口，田家山有功，各以等
 第推賞。戊午，子鏗生。壬申，行義役法。十二月辛卯，賜夏貴金帶。
 為沿江制置副使，兼知黃州。乙巳，賞京湖總管張喜常萬等石
 門坂堰戰功。五年春正月，似道專柄。壬子，京湖策應叅謀呼
 延德領諸將張喜等與北兵戰於蠻河。二月，北人城鹿門，知渠
 州張資上蓬州界白土神山蒲渡等處戰功。三月丙午，北帥阿
 朮帥由白河進圍樊城。辛酉，京湖都統張世傑率馬步舟師應
 援戰於赤灘，圍敗之。戊辰，吳革為沿江制置使。夏四月丙子，賞
 世傑功。己丑，劉雄飛知沅州，兼常德澧辰沅靖五郡鎮撫使。癸
 巳，高郵縣夏世賢七世義居，詔旌其門。五月壬戌，詔信陽諸將
 婁安邦朱興戰于石坂，呂文煥呼延德戰福山，楊青李忠戰石

湫俱有勞效推賞有差壬申優贈徐宗武沒於王事特官一子承節郎六月庚辰呂文福領復州團練使知濠州兼淮西安撫副使甲申皇子昱生秋七月庚申祈雨八月戊寅犒襄樊將士錢二百萬趣上立功姓名補轉官資九月丙午祈晴辛酉祀堂大赦丙寅尊上冊寶加壽和皇太后尊號曰聖福皇叔福王食邑一千戶冬十月甲申授子憲檢校太尉武康軍節度使封益國公己丑加呂文德少傅封崇國公食邑七百戶十一月戊辰文德致仕特授少師衛國公十二月癸丑卒贈太傅諡武忠擢堦范文虎爲殿前副都指揮使北兵築南新城夏貴與戰敗績文虎援貴又敗阿朮大治戰艦教水軍進逼襄陽六年春正月似道專柄壬寅以印應雷爲兩淮安撫制置使高達爲湖北安撫使知鄂州孫虎臣起復淮東安撫副使知淮安州呂文

淮西安撫副使兼知廬州辛酉行成天曆丁卯御製字民牧民二訓以戒百官戊辰以趙順孫同簽書樞密院事二月丁亥陳宜中經筵講春秋終篇賜象簡金御仙花帶鞍馬己亥未禪書樞密兵部尚書總一路轉運知重慶府三月庚子朔丁亥癸丑詔舉廉吏癸亥立贛吉南安要衝四砦聯絡禦寇夏四月戊寅文天祥兼崇政殿說書五月辛丑吳革兼宣撫使六月庚午詔士子肄業太極圖說西銘易傳春秋傳庚辰子憲歿秋七月復開州八月甲申瑞安府樂清縣嘉禾生壬辰詔以推排法虛加寡弱戶田租害民爲甚其令各路詢訪亟除其弊九月庚戌黃萬石爲沿海制置使壬子救台州被水民冬十月丁丑遣汜文虎總統殿司兩淮諸軍往襄樊會合備禦賜錢犒師甲申趙順孫叅知政事提舉編修勅令經武要畧閏月己酉安吉嘉

興華亭縣水免公田及民租戊午振殿步馬諸軍貧乏及陣沒
孤遺十二月己亥唐全張興祖等齋蠟書往來入襄陽各轉三
官賜錢自是北兵築萬山城襄樊路絕七年春正月似道專
柄乙丑皇子昉授左衛上將軍封建國公三月淮浙江西大饑
命振之減內外百司吏額三月戊子詔宣聖孫延之子與放國
子監試夏五月乙酉賜進士張鎮孫以下及第出身是日大雨
如注四川嘉渝江水大溢漂蕩城壁樓櫓圯壞嘉定地震者再
制使朱禛孫乞罷不許六月范文虎帥師救襄陽不至而逃張
弘範遂入樊城墮其外廓癸巳知嘉定府督萬壽修城浚壕繕
甲兵以備禦迨甲午以韓震帶行御器械知江安州兼潼川東
路安撫副使朱善孫督運受賊被劾貸死配流丙申紹興府諸
暨縣大風雨雹建德衢州饑癸未振糶癸丑以隆暑給襄郢
將士錢丙辰撫州黃震奏前穀城尉饒立賑荒靳不發米官
正其罪詔削兩秩武岡居住己未五河新城完賜名安淮軍令
鎮江輸米積貯宣勞官印應雷以下皆推恩秋七月辛未吳信
庸旺齋蠟書入襄陽城各補三官八月壬辰朔日食甲午遣李
庭芝詣郢州調遣犒師夏貴會合策應冬十月癸丑從政郎朱
鑿孫進羣經要畧十一月癸亥詔舉孝弟及廉能材堪縣令者
蒙古始建國取乾元之義號曰大元十二月甲午詔諸路監司
巡按刑獄御史臺嚴察儼從擾民丙午命四川制司下渠洋開
州寧西鎮撫使張朝寶劄司犒師時方危急束手無策似道欲
制東南士心劄置士籍令御史陳伯大建議開其鄉里姓名年
甲三代令鄉鄰結勘方許應試自是人反以科舉爲累八年
春正月似道專柄辛未子昉生二月旌廉吏趙子寅前知台州

歿無所歸特贈直秘閣給沒官田宅養其孤遺三月丙子趙順孫罷授中大夫時襄樊久困鄧鄂路絕夏五月己巳命京湖糴米轉輸襄陽秋八月丙戌朔日食紹興府六邑大水詔減田租發米以賑冬十月庚戌除免仁和錢塘會稽諸暨田租有差十一月丙辰以殿前都指揮陳奕攝侍衛馬步軍司九年春正月似道專柄乙丑樊城破癸未詔定安豐統制金文彪朱文廣王文顯盛全泚河古河泉河瑯河等處戰功行賞二月丁未加夏貴檢校少保侍衛馬軍都指揮使庚戌李庭芝奏呂文煥叛先納襄陽管鑰次獻城池且陳攻鄂州策自爲先鋒上痛切於心罷乾會節宴從弟文福姪師夔席藜上章待命答以勉力捍禦無墮家聲癸丑論朱澗寺戰功推賞來歸人馬宜沿江都統王喜等赴御前三月庚申四川制司送劉整故吏羅鑑自北

言元取江南三策先收全蜀次城清口桃源河淮要衝屯山東軍帝覽之亟詔淮東制司往清口擇利築城以備及遣金吾衛上將軍阮思聰由平江鎮江黃州行視城池凡應繕修增易者亟條奏來上壬午以密院泄漏兵事稽違邊報建機速房復置樞密院都統制副都統制各一員夏四月辛卯以淮東統領知鎮江趙潛兼沿江制置建康留守給錢防捍癸巳知招信軍陳玘乞祠下詔卿宜身率諸將宣揚國威以賞戮用命申儆中外大小臣僚有材識超卓明控御之宜懷攻守之畧者密具以聞朕當虚心以聽丁未遷高達寧江軍節度湖北安撫使知峽州詔升忠州潛藩爲咸淳府刺史王達改刺高州五月乙卯黃萬石權戶部尚書兼知臨安府從浙西安撫使朱禕孫奏所部諸縣除正辟文臣外諸郡屬邑許令本司一體選辟辛未劉雄飛

致仕尋卒特贈一官戊寅孝感縣丞關應庚土邊防二十事詔授武當軍節度推官京湖任使布衣林椿年亦言十數事詔凡請丞相督師者不允餘付機速房庚辰馬軍司統制王仙昔陷於陣今復來歸特轉五官克殿前司仍賜以錢六月前四川撫司叅議官張夢發陳危急三策似道不以聞咎萬壽奏自去冬調將士攻成都毀其城今春戰礮門夏又遣統制楊國寶至雅州統領趙忠至眉州詔獎兩路捍禦有勞擢爲寧遠軍承宣使將士加賞有差京湖奏去冬開探司總管劉儀盛聰總制趙鐸領精銳至均州文龍崖立砦有功各轉三官添差荆湖北鄂州兵馬鈐轄鐸轉兩官適文煥降均乃受敵知郡劉懋得借捍禦并爲右武大夫帶行左衛大將軍因任己丑安南圍進方物特賜金帛癸卯陳宜中汪立信各奏言襄樊之禍皆山范文虎聞難怯戰及俞興父子務復私讐激成整禍其子大忠復挾多資爲父行賄且自希榮進今雖寸斬未足以快天下之忿詔追毀大忠出身文字除名拘管循州文虎降一官因任又言守關進義副尉童明拔身來歸且嘗立功開州詔特與兩官閏月辛亥陳奕總統舟師備鄂與黃州江防丙辰命大理寺丞鍾蜚英點視沿江堡隘兵船戊辰知叙州郭漢傑奏馬湖蠻王汝作鹿巫蠻王沐丘各助官軍捍禦有功詔賞金帛叙州總管曹順一在陣立功趣具等第來上秋七月丁亥詔成都之役權紹慶府節制紫城軍義文榮鼎及將校趙居敬丁福孟青蒲祥白貴史用羅宜王繁等皆沒於兵各贈官錄子癸巳四川制置言知達州趙章知開州鮮汝忠知渠州張資等復洋州又復吳勝堡權檄統轄謝益知洋州總制趙桂猗知巴州俾任責吳勝堡戰守之

事安撫張珩請命於朝成與正授八月癸丑權知均州徐鼎總
管盛聰戰房州胡師峪板倉知房州李鑑調權竹山縣王國赫
統制熊權總轄馬宗明戰落馬坪白羊山智萬壽城嘉定烏尤
山各以勞效論賞九月乙未洪濤爲浙東安撫使黃萬石陝湖
南安撫使冬十月癸丑鎮巢和州太平諸將查交李文周孟浩
等以射湖岡萬歲嶺後港及焦湖北岸戰功咸賜爵賞丁丑
應雷致仕十一月戊子知秦州龔準遣將王大顯等捍禦水砦
有功獲俘民還詔論賞有差甲午李庭芝請仍分淮東西爲二
司已惟專力淮東轉夏貴淮西安撫制置兼知廬州陳爽澄江
制置兼知黃州各賜錢百萬激犒備禦知安豐軍陳萬以帥師
自城西大澗口抵正陽城遇北兵力戰詔旌其勞甲午春正
月似道母喪去詔起復之己卯朔永新縣有氣如虹霓自東門

起橫貫一邑須臾變作錦文遮蓋四門壬午城鄂州漢陽
蔡未權總制施忠部將熊伯明知秦州龔準戰天長縣東橫山
秦潼湖青蒲口等處有功推賞乙丑留夢炎知潭州兼湖南安
撫使庚寅城鄂州沌口西岸堡京湖奏襄陽勇信中軍鈐轄吳
信隨文煥往北今并妻子冒險來歸詔赴闕存恤丙申詔滅江
東水沙圩租米什四二月己酉趙順孫轉福建安撫使辛酉詔
革諸制闕使人要求厚賂之弊自今就任开除其詔命衣帶鞍
馬勿差人給賜違者罪之夏四月乙卯授子昂左衛上將軍封
永國公詔賞沿江都統王達黃傑黃連寺戰功戊午進呂文福
知關門事爲常德辰沅澧靖五州鎮撫使知沅州辛酉詔賞光
州守陳巖路分李今許彥德總管何成路鈐仰子虎等牛市販
丁家莊戰功五月丁亥高世傑爲湖北撫置副使兼知岳州總

統出戍軍馬。秋七月癸未，帝崩於福寧殿，壽三十五。遺詔太子
熈卽皇帝位，諡曰端文明武景孝皇帝，廟號度宗。臺臣劾內醫
蔡幼習詔奪五秩，安置五百里外。二子並罷閣職。帝自壯以好
內閣，理宗議立時，夢人語曰：「此十年天子，及是耽於酒色，言皆
有驗。」

冊曰：「襄樊已喪，亡不容息。主淫禍身，臣奸賣國，憐此繁華，
淪爲異域。」

孝恭皇帝名熈，度宗次子。母全皇后，以咸淳六年九月己丑生
於大內。九年十一月壬午，授左衛上將軍，封嘉國公。卽位年方
五歲，謝太后臨朝。七月甲申，賈似道依彥博故事，獨班起居。帝
答拜。丙戌，尊太后曰太皇太后。全后曰皇太后。立生日爲天瑞
節。辛卯，加朱禩孫京湖四川宣撫使兼知江陵。八月甲辰，詔乞

言於老臣江萬里、葉夢鼎、馬廷鸞、留夢炎、趙順孫、王爚，以築清
河城。進李庭芝一秩，推賞將士。知鄂州李雷應守軍器監，知太
平孟之縉，兵部員外郎知江州錢真孫直，寶章閣知鎮江洪起
畏，直敷文閣。己酉，上大行諡。癸丑，大霖雨，天目山崩。安吉臨安
餘杭民溺死，算發米以賑，免今年田租。辛未，作度宗廟，詔趣
廷鸞與爚之任，乞致仕，不許。九月己卯，從似道請，帝免答拜。癸
未，元兵大會於襄陽，分三道。伯顏趣鄂州，峻都入淮，翟招討狗
荆南。丁亥，薄鄂州，都統制張世傑力戰禦之，遂去。由藤湖入漢
甲午，初開經筵。丁酉，給夏貴金符十三，銀符百，激賞奇功。己亥，
覆試文武舉人。正奏名王龍潭以下，賜進士出身。壬寅，有星見
西方，委曲如蚓。復州副將翟國榮遇元兵，戰死爛泥湖。贈本州
團練使。官其二子，仍爲立廟。冬十月丙午，加知達州趙章、右驍

騎中郎將元兵破渠州禮義城知州張資自殺贈睢州防禦使
丁未饒州布衣董聲應進諸史纂約兵鑑刑鑑詔充史館編校
癸丑廣西經畧邢友龍破湖漳二州寇轉官有差戊午郢州副
統趙文義兄弟追戰全子湖皆死贈文義清遠軍文亮威武軍
俱節度使立廟揚州賜名傳忠壬戌發緡錢百萬給郢城屯戍
將士甲子改明年元乙丑元兵徇沙洋城京湖遣總管王虎臣
來援丙寅城破虎臣與守隘官王大用皆被執各贈官錄子戊
辰兵至新城總制黃順副總仁寧知復州翟貴各以城降十一
月丁丑命趙潛巡江策應賜錢百萬激賞戰功庚辰命陸秀夫
淮東張晏然京湖四川並撫司叅議官壬午刑諸溢額班直甲
午詔以邊費浩繁令有司覈實貴戚邸第并寺觀及御前田並
令輸租丁酉加安南國王陳日照寧遠功臣子戴晃奉正功臣

十一月癸卯朔以隆寒勞賜京湖及沿江戍守將士丁未呂師
夔請於江州募兵詔知州錢真孫同預給以尙書省錢米癸丑
元兵攻陽邏堡都統制王達戰死乙卯乘雪渡青山磯都統程
鵬飛鏖戰被重創歸鄂州屯馬家渡高邦憲棄舟走被執丙辰
復攻陽邏堡都統劉成領定海水軍戰死與王達皆贈清遠軍
承宣使夏貴沿江縱兵大掠而遁朱禛孫將兵至鄂州聞敗夜
奔江陵己未權漢陽軍王儀以城降呂文煥助攻鄂州庚申程
鵬飛及權守張晏然以城降幕僚張山翁不屈伯顏命釋之癸
亥詔天下勤王李庭芝以兵來赴朝命似道都督諸路軍馬呂
師夔黃萬石李珪叅贊軍務孫虎臣總統諸軍乙丑加高達檢
校少保湖北制置使兼安撫知江陵府庚午梓宮發引至江上
潮失期日晡不至鵬飛以北兵徇黃州知州陳奕降是歲熒惑

犯鎮星閩中地震而旱命臨安府賑贍細民賜七十以上帛及酒米詔三邊撫將士州郡舉遺逸除見追贓賞錢行義田義役及賑避兵淮民蠲淮西四郡未輸屯租
德祐元年春正月癸酉朔元兵入黃州知蘄州管景模降陳奕入之并招其子巖於安東州戊寅詔浙東邸第出米賑糶壬午擢承紹陵乙酉呂師夔錢真孫遣人於蘄州請降丙戌元兵徇江州知壽昌軍胡夢麟寓治自殺知南康軍葉問池州都統張林遣人請降戊子似道出師以孫虎臣爲寧武軍節度使張世傑保康軍承宣使總督府諸軍知德安府來興國知蘄州鮮汝忠相繼皆降惟夔路安撫張起巖起兵與將弋德復取開州加起巖福州觀察使弋德以下各轉五官乙未祠神主於新宮赦京畿囚戊戌元兵入安慶知府范文虎降通判夏榭仰藥死贈直秘閣二月癸卯轉黃萬石江南西路制置兼湖北副使乙卯詔獎五郡鎮撫呂文福遣兵入衛勞賈似道歲舉改官如史嵩之故事庚申王師敗績貴不戰而遁諸軍盡潰似道以單舸奔揚州壬戌元兵徇饒州通判萬道同以城降沿江制置趙潛知鎮江洪起畏知寧國趙與可知隆興吳益知江陰鄭孺皆棄城遁知和州王喜知無爲劉權知太平孟之縉皆降甲子至臨江知軍鮑廉死之乙丑詔張世傑將兵入衛便道復取饒州其將謝元王海李旺袁恩呂再興戰死各贈十官丙寅文天祥李芾起兵勤王丁卯元兵復攻嘉定九頂山都統侯興戰死贈復州團練使戊辰徵兩浙福建諸郡廂禁兵以其半入衛己巳以曾淵子同知樞密院兩浙安撫制置大使兼知臨安文及翁倪普同簽書樞密院事庚午加夏貴開府儀同三司樞密副使徵所

部兵入衛下令長吏給經過兵民錢米一切勿征應編配拘鎖人除偽造關會劫盜放火餘悉縱之放免浙西公田逋米及諸處見監賊犯被謫諸文武並令自便仍與叙復辛未加咎萬壽保康軍節度使三月壬申朔詔復茶鹽市舶法遣郝經還諸不恤民政次第除之以公田給佃主令率租戶爲兵癸酉都統翁福徐旺榮迎元兵入建康鎮江統制石祖忠降臨安倣急命浙西刑司準備差遣劉經成吳江兩浙運司準備差遣羅林成銅嶺浙西撫司參議官張濡成獨松關山陰縣丞徐瑗正將郁天興成四安鎮趙淮成銀樹栗壩甲戌湖北撫司計議官吳繼明攻通城縣復取之執縣令以歸乙亥元兵至無錫知縣阮應得出城戰一軍皆沒應得赴水死贈十官閩中地復大震丙子下詔罪已侍御史陳過請竄似道併治其黨翁應龍捕下獄刺配吉陽軍罷廖瑩中王庭劉良貴游汝朱浚陳伯大董樸責洪起畏鎮江自效趙與可除名按捕劄陳堅徐卿孫三官丁丑知滁州王應龍以城降滁人執歸揚州殺之甲申元兵至西海州安撫丁順知東海州施居文知安東州孫嗣武知平江府潛說友通判胡玉林鏗知廣德軍令狐繁皆以城降徙浙西提點刑獄司於平江府張世傑遣其將闍順李存進軍廣德謝洪永進軍平江李山進軍常州轉張德以下各官有差是夜有二星鬪於中天頃之一星隕已丑趣呂文福入衛加福州觀察保康軍承宣使行至饒州殺使者入江州降庚寅雨土左司諫潘文卿右正言季可制使曾淵子兩浙運副許自浙東安撫王霖龍相繼皆遁文及翁倪普諷臺臣劾已章未上亟出關並劄官勒停追奪應得恩數黜趙與鑒永不收叙自與霖龍淮東制司詰問辛

卯以陳合同簽書樞密院事並轉在京文武兩官令御史臺覺
察聞兵逃遁者罷右正言徐直方婺州通判張鎮孫閻順戰安
吉縣復取鳳平顧順復廣德詔褒諭轉官各免田租戰沒者恤
之壬辰元遣禮部尚書廉希賢工部侍郎嚴忠範來至獨松關
爲張濡部將所殺又戰洞庭高世傑降癸巳攻岳州總制孟之
紹亦以城降鼎澧常德聞之皆納款戊戌赦邊城降將罪能自
拔歸者錄之復州者予知州復縣者予知縣所部僚吏將卒及
土豪立功同賞雄江軍統制洪福率衆復鎮巢軍卽以知軍事
庚子徙淮東總領所於江陰軍加吳其明閣門宣贊舍人夏四
月乙巳元兵入廣德知縣王汝翼與寓官趙時晦率義兵戰於
斗山路分孟唐老及其二子皆死贈三官汝翼被執至建康亦
死贈朝奉郎錄子丙午元兵破沙市城都統孟紀死之監鎮司

馬夢來自經戊申朱禩孫高達以江陵降京湖北路相繼
張起巖提兵保飛山癸丑總統張敏戰死豐城贈五官錄其一
子乙卯加福王與芮武康寧江兩軍判紹興府丁巳總制霍玘
勝攻溧陽復取之戊午知金壇李成大率義局官含山縣尉胡
傳心陽春主簿潘大同濠梁主簿潘大畚進士潘文孫潘應奎
復取金壇鎮江統制侯巖縣尉趙嗣濱反助元兵來戰成大二
子及大同等皆死之成大被執不屈亦死詔並贈官推賞癸亥
加知恩州田謹賢知播州楊邦憲並復州團練使趣兵入衛有
大星自心東北流入濁沒乙丑熒惑犯天江戊辰詔宜興溧陽
民兵助戰及旌德城守有功特免見祖江陰民被兵亦如之庚
午元兵至楊子橋都撥發官雷大震戰死贈保康軍節度使五
月癸酉至寧國知縣趙與糖吏楊義忠率義兵出戰死甲戌淮

安總制李宗榮淮東鈐轄阮克已知慶遠府仇子真將兵勤王
加克已左驍騎中郎將丁丑詔趙潛統軍民船屯江陰司戶趙
必恰總管陸春戰死辛卯貶潛說友南安軍令狐槃鬱林州吳
益汀州與呂文煥孟之縉陳奕范文虎並籍其家削李珪職貶
婺潮梧三州甲午饒信州饑令民入粟補官罷市舶分司令通
判任舶事丙申詔世傑張彥阮克已仇子真四道出兵遣使告
天地宗廟社稷諸陵宮觀己亥勞軍吳繼明復蒲圻通城崇陽
三縣加帶御器械權知鄂州將士各轉官令擇險爲寓治贈鮑
廉趙與璿並直華文閣官其一子楊義忠武功大夫六月庚子
朔日食旣晝晦如夜皆萬壽以嘉定及三龜九頂紫雲城降魏
叙州李演將兵來援遂解歸戰羊雅江兵復敗被執辛丑復魏
克愚官補太學生蕭規唐棣並承信郎壬寅知嘉興余安裕談
去時書朝中語涉不道削官送徽州丙午貶陳過平江府徐卿
孫吉州戊申命舉將帥才堪文武毋拘謫籍惟丁大全黨與不
預辛亥銓試甲寅留夢炎入朝拜右丞相兼樞密使與陳宜中
都督諸路兵乙卯詔求言戊午知叙州郭漢傑知瀘州梅應春
知富順監王宗義各以城降秋七月庚午朔江西制置黃萬石
移治撫州詔還隆興府辛未世傑并諸軍戰於焦山敗績甲戌
連徙似道除瑩中主庭良貴名貶昭梅信三州庚辰賞定邊功
加知泗州譚興閣門宣贊舍人知懷遠軍金之才帶御器械知
安淮軍高福閣門祇候知濠州孫立右衛大將軍壬午路鈐劄
用調兵入靖州通判張起巖復之就加太府寺丞知州事轉用
官免徵州租丙戌糴公田租佃主種戶各得價半但被兵處勿
糴浙西邸第寺觀糴十之二庚寅籍沒似道家財編管循州詔

監司郡守有避事不卽到官者覺察以聞貶胡玉連州林鏗韶
州並除名癸巳轉夏貴知揚州不納擢朱煥知廬州八月乙亥
朔總制毛獻忠將衢州兵入衛辛丑疏決臨安罪人壬寅夏貴
爲兩淮宣撫大使總制戴虎破大南砦轉三官元兵駐巴陵縣
黃沙乙巳吳繼明復平江縣以爲湖北招討使諸將各轉三官
戊申試太學上舍生巳酉拘閹貴妃集慶寺賈貴妃演福寺出
還安邊所癸丑復嘉定七司法戊午熒惑犯南斗庚申趙洪前
以獻寶玉諂媚似道除大理少卿王應麟封還錄黃罷之九月
辛未加田謹賢福州楊邦憲利州並觀察使趣入衛辛巳祀明
堂赦丙戌元兵至泰州知和州孫虎臣自殺贈太尉乙未張彥
與元兵戰被執以城降冬十月癸卯玉牒殿災戊午徵紹興處
士陸應月史館編校文字壬戌元兵發建康叅政阿剌罕總管
奧魯赤將右軍自四安鎮趨獨松關叅政董文炳范文虎將左
軍由江路入江陰李世修以城降丞相伯顏將中軍入常州癸
亥麻士龍援常州戰死贈高州刺史張全朱華臨陣退師免官
不問十一月丁卯剡銅關將貝寶胡巖起攻深水死贈寶武翼
郎巖起朝奉郎庚午黃鏞簽書樞密院事命舉將才不限偏裨
士卒許投匭自薦戊寅元復破廣德軍己卯破四安鎮正將胡
明等死之召文天祥亟入衛辛巳起居舍人曾唯禮部侍郎陳
景行辭官不允竟去削官免之壬午元兵至隆興府黃萬石奔
撫州運判劉槃通判施至道以城降癸未破興化知縣胡拱辰
自殺乙酉改宜興縣爲南興軍丁亥獨松關告急調民兵出守
已丑關破馮驥死之贈集英院修撰張濡遁平江通判鄭疇望
風亦遁降官罷之庚寅通判王矩之都統制王邦傑遣入於常

州迎降甲午萬石提兵走建昌軍丙申賜餘杭武康長興縣民錢并免田租十二月戊戌復趙與可都督府叅議官放李珣自便庚子以吳堅簽書樞密院事賜謝堂同進士出身同知院事黃鑄遣柳岳奉書詣元軍稱盜殺廉尚書乞班師修好不聽嘉興府又告急令與封椿庫錢備兵復季可官令如龍泉縣募兵乙巳復以陳景行爲浙東安撫副使戊戌處州命趙與偃戍縉雲縣起方逢辰戍淳安縣丙午追封呂文德和義郡王丁未元兵入平江起吳君擢爲太府少卿提點臨平民兵乙酉括臨安并諸縣馬癸亥遣宗正少卿陸秀夫刑部尚書夏士林兵部侍郎呂師孟使軍前詔呂文煥趙孟桂務令通好己未方輿丁廣趙文禮兵皆敗權吏部尚書丁應奎左侍郎鄭徐宗仁遁庚申加柳岳工部侍郎與右正言洪儒震使燕祈醫元兵破大洪山知隨

州宋端履降 二年春正月陸秀夫等至元軍求稱姪納幣不許稱姪孫亦不從戊辰還太皇太后命用臣禮己巳嘉興劉蕡傑以城降庚午黃鑄陳文龍遁以謝堂爲兩浙鎮撫大使文天祥知臨安府加全永堅太尉浙東招諭使辛未命吳堅爲左丞相兼樞密使未幾亦遁日午宣麻慈元殿文班止六人諸關兵盡潰遣監察御史劉岳奉表稱臣上大元皇帝尊號曰仁明神武皇帝歲奉銀絹二十五萬乞存境土以奉蒸嘗癸酉右司諫陳孟虎監察御史孔應得遁甲戌元兵至瑞州知州姚巖棄城去乙亥以賈餘慶知臨安府丁丑夏士林簽書樞密院事數日亦遁惟三學生誓死不去特放出身己卯入安吉州知州趙良淳自經死辛巳祀太乙宮授留夢炎江湖兩地宣撫大使甲申元兵至臯亭山遣御史楊應奎上傳國璽奉表稱臣削去帝號

悉獻兩浙福建江東西湖南二廣兩淮四川見存州郡仍爲宗社生靈祈哀請命曲賜存全丙戌命天祥同吳堅使大元軍戊子知建康軍方回知婺州劉怡知處州梁椅知台州楊必大皆降知臨江軍滕巖瞻遁元兵入信州二月丁酉朔日中有黑子相盪如鵝卵辛丑詔諭郡縣皆降元使人入臨安封府庫收史館禮寺圖書及百司符印告赦罷官府及侍衛軍壬寅元軍駐錢塘江沙上三日潮及期不至三月丁丑帝及全太后福王并宗室駙馬大臣庶僚諸生成赴燕京五月丙申朝於上都降帝爲開府儀同三司封瀛國公尋爲僧號合尊太師

二王者度宗崩日謝太后召似道等入宮議所立衆以爲是長容俞氏度宗崩日謝太后召似道等入宮議所立衆以爲是長當立似道主立嫡乃立熈而封是爲吉王領保康軍昺信王領寧軍皆節度使開府儀同三司各食邑一千戶文天祥以兵危急請鎮閩廣不從始俱命出閣逮迫臨安宗親同請徙封是爲益王判福州福建安撫大使昺爲廣王判泉州兼判南外宗正命駙馬都尉楊鎮輔之拜楊亮節福州觀察使提舉益王府行事俞如珪爲環衛官提舉廣王府行軍元兵至臯亭山鎮等奉之走婺州伯顏入臨安遣范文虎將兵趣婺召鎮以王還鎮得報卽還曰待我就死於彼以緩追兵亮節等遂負王徒步匿山中七日其將張全引兵數十始追及之遂同走温州陸秀夫蘇劉義繼追及於道遣人召陳宜中於清澳來謁復召張世傑於定海亦以所部兵至江心寺故有高宗御座衆相率立座下奉王爲天下兵馬大元帥昺副之發兵除吏以秀王爲福建察訪兼安撫使知西外宗正趙吉甫知南外宗正

提刑命先入閩撫諭吏民百姓太皇太后遣二使以兵八人
 來召王宜中等沉之江中夏四月入閩時汀建三州方欲從黃
 萬石降聞景至即閉城却使者萬石將劉俊宋彰思又英輩亦
 多來歸五月乙未朔宜中等立景於福州以為宋主景是年為
 景炎元年遙上帝尊號為孝恭懿聖皇帝冊楊淑妃為太后同
 聽政封景為衛王宜中為左丞相兼都督召李庭芝為右丞相
 妻才為神龍四廂都指揮使陳文龍劉黻參知政事張世傑樞
 密副使陸秀夫簽書院事命吳浚趙潛傅卓李珪翟國秀等分
 道出兵升福州為福安府温州為瑞安府郊赦之日黎明有大
 聲出府中眾皆驚什庚辰文天祥自鎮江歸以為右丞相兼
 知樞密院事同都督諸路軍馬遣其將呂武入江淮招蒙傑杜
 濬如温州募兵適廣東經畧徐直諒遣梁雄飛請降於隆興

以招討使俾狗廣州既而直諒聞景立命權通判李性道推舉
 平將黃俊等拒雄飛於石門俊戰敗性道不戰奔廣州直諒棄
 城遁六月丙子雄飛入廣州諸降將皆授以官俊獨不受遂為
 眾所殺吳浚聚兵於廣昌取南豐宜黃寧都三縣翟國秀取秀
 山傅卓至衢信諸縣民多應之者七月丁酉天祥開府南劍州
 經畧江西吳浚兵敗於南豐翟國秀聞之引還傅卓兵敗詣江
 西元帥府降平章阿里海牙破嚴關馬暨退保靜江府是月揚
 州守將朱煥以城降李庭芝姜才死之淮東州縣皆降八月景
 州亂命陳文龍往討甲戌秀王與鞏圍婺州聞元兵至解歸丙
 子以王積翁為福建提刑招捕使知南劍州備禦上三郡黃佐
 同提刑招捕使知漳州備禦下三郡張世傑遣兵助吳浚與元
 帥李柄戰斃零兵敗奔寧都九月興化石手軍亂復以文龍知

軍事東莞人熊飛為黃世傑守潮惠三州聞趙潛至即以兵應之攻廣州壬寅雄飛遁遂復韶州新會適會逢龍亦帥兵至廣李惟道出謁飛與逢龍執而殺之衢州守將魏福興出戰福星擒死壬子趙潛入廣州是月招討也的迷失會東省兵於福州元帥呂師夔張榮實將兵入梅嶺十月壬戌朔文天祥入江州趙潛遣會逢龍就熊飛禦元兵於南雄逢龍戰死熊飛奔韶州元兵圍韶守將劉自立以城降飛率兵巷戰兵敗赴水死十一月參政阿剌罕董文炳將兵至處州李珪以城降甲辰秀玉與畢逆戰於瑞安觀察使李世達死之與畢及其弟與慮子孟備監軍趙由瑞察訪使林溫被執皆死阿剌罕兵至建寧執守臣趙崇鐵知鄒武軍趙時賞知南劍州王積翁皆棄城去乙巳是入海癸丑元兵至福安州知州王剛中以城降是舟至泉招撫

壽庚來謁請駐蹕張世傑不可或勸世傑壽庚提舉泉州船司擅番利者三十年留壽庚則海船不令自隨世傑不從縱歸繼而舟不足仍命掠舟并沒其貲壽庚怒殺諸宗室及士大夫與淮兵之在泉者乃移潮州是月福興興化皆降英德守凌彌堅徐夢得等亦降十二月辛酉朔趙潛棄廣州遁乙丑制置方興亦遁吳浚走入瑞金戊辰蒲壽庚及知泉州田真子以城降乙酉通判曹澄孫以興化降陳文龍不屈而死是次甲子門督炎二年春正月元兵破汀關癸巳知循州劉興降壬寅吳浚棄瑞金遁鎮撫孔遵入之天祥走漳州浚尋還汀州降戊申知汀州馬發及通判戚繼祖降癸丑復來歸丁巳權知梅州錢榮之以城降二月元兵至廣州縣人趙若岡以城降廣東諸郡聞風皆下三月天祥取梅州又取興國縣四月廣東制使張鎮孫



葉廣州梁雄飛等棄城走韶州五月世傑取潮州天祥自梅州
提兵出江西入會昌縣淮民張德興亦起兵殺太湖縣丞王德
顯據司空山攻下黃州壽昌軍丁巳遇宣慰鄭鼎戰樊四鼎墮
水死六月辛酉天祥取雩都已卯入興國縣秋七月遣兵取吉
贛諸縣遂圍贛州衡山人趙燔撫州人何時皆起兵來應乙巳
世傑聞泉州遣將高日新復邵武淮兵在福州者欲殺積翁以
應世傑皆爲所戮江西宣慰李恒遣兵援贛州而白將兵入興
國八月天祥與諸將兵皆敗乃引兵卽鄒淵於永豐淵兵亦潰
已巳熒惑掩月天色赤壬申天祥兵敗於興國已卯元兵破司
空山張德興亡走甲申天祥至空坑兵盡潰遂挺身走循州諸
將皆被執九月元帥峻都援泉州戊申世傑歸淺灣元左丞塔
出將兵入大庾嶺叅政也的迷失復取邵武入福州十月甲辰

峻都被興化軍進攻潮州馬發拒之乃去攻惠州十月塔出
廣州張鎮孫以城降庚寅元帥劉潑以舟師攻淺灣是走秀山
陳宜中往占城遂不反十二月丙子是至井澳遇颶風舟壞震
驚成疾旬餘兵士稍集死者十四五丁丑劉潑追是至七州洋
執俞如珪以歸

祥興元年春正月元兵平廣州世傑遣王用攻雷州不克已酉
元兵克涪州執守將王明二月元兵破潮州馬發死之三月天
祥取惠州廣州都統凌震轉運判官王道夫復取廣州是欲往
占城不果遂駐碭洲遣兵取雷州適曾淵子自雷來拜爲叅知
政事廣西宣諭使夏四月戊辰是殂羣臣權上廟號曰端宗庚
午復立衛王昺以爲主拜陸秀夫左丞相五月癸未朔海中有
黃龍見改元祥興升廣州爲翔龍府碭洲爲翔龍縣遣張應科

王用取雷州三戰皆不利用因降六月丁巳應祥再戰死之知
高州李彥通降已未昂徙居厓山已巳有大星東南流墮海中
小星于無聲之聲如雷數刻乃已巳卯元將張洪範李恒引兵
至秋七月與洛與謝明謝富守瓊州阿里海牙遣馬成旺招
之兵於三月於白沙口冬十一月癸巳州民執與珞以降閏
月庚戌三月大難慶州凌震又遊癸亥元兵入廣十二月壬午
道夫反攻城兵破被執震繼至亦敗天祥走海豐于寅洪範執
之於五坡嶺震兵又敗於菱塘元兵破南安縣守將李桂發死
之二年春正月壬戌洪範兵至厓山庚午恒兵亦來會世傑
以舟師碇海中結巨艦千餘艘中艙外舳貫以大索四周起樓
棚如城堞居曷其中元軍來攻艦堅不動用舟載茅沃以膏脂
乘風縱火世傑命艦皆塗泥縛長木遠拒火舟不能近二月戊

寅朔世傑部將陳寶降已卯都統張達夜襲元兵營亡失甚衆
癸未有大黑風出山西滔乘早潮退攻其北世傑引淮兵殊死戰
至午潮上弘範攻其南南北受敵兵士皆疲遂不能戰俄有一
檣旗什諸舟見之皆什世傑知事去乃抽兵入中軍諸軍潰翟
國秀及團練使劉俊等解甲降元兵至中軍會暮且風雨昏霧
四塞咫尺不相辨世傑與劉義斷維奪港而去秀夫走衛王舟
諸舟環結不得出秀夫乃負王投海中後宮及諸臣多
從者七日尸浮出凡十餘萬楊太后撫膺大慟亦赴海死世
傑葬之海濱後自溺死南宋亡凡歷七帝一百五十二年



文仁甲子

天玉宋才五

